

陝
縣
志

第 六 册
列 女
古 蹟
藝 文

楊
依
洪

洪
依
洪

陝縣志卷十八

歐陽珍編次

列女

按舊志於列女概目之爲節孝而人數亦太夥夫守節出於婦人之不幸而事變亦不止此自髮捻擾境土匪頻起其拚命不污者自當有所區別若安常處順而克盡乎婦道母道之實豈容略而不載茲於舊志所錄節孝除奉旨旌表官長褒獎外無他事可紀者僅書其名氏別立義烈賢淑兩門以今次所採訪者分別敘述以見女道之正焉

節孝

明

崔氏辛哲妻哲登成化癸卯經魁未仕早逝家貧甚崔年艾欲以身殉以子幼盡心教育日勤紡績資膏火補郡庠廩生

王氏董安妻年二十一歲夫故矢志守節卒年八十四歲守節六十五年

閻氏楊鐸妻鐸少遊郡庠因嗜學罹疾革謂閻曰我名不立而早逝含恨入地矣二子

陝縣志

卷十八

一

蘭莊汝其育而教之閻敬諾終成夫志

顧氏宏農人太僕卿熊瓚妾瓚卒時遺子釜方四月亡妾鄭氏出也顧自誓守節視猶己子劬勞萬狀育釜成立

趙氏宏農李文妻文卒遺子二在襁褓中趙艱辛鞠育終其身以節聞

許氏監生趙應奇妻靈寶許進之女二十四歲夫亡事繼姑以孝聞育幼子成立守節四十年奉詔旌表

申氏宋方妻方客死魯山申年三十撫孤伯讓成立爲納婦生孫佳士婦尋亡氏復撫佳士入郡庠先後拮据者五十餘年

崔氏郡學生衛良心妻年二十歲夫亡孀居茹苦者四十年撫孤兒力學食餼於庠

宋氏庠生張騰霄妻霄卒宋年二十五歲子而訥甫七齡家無立錐地紡織爲生者四十餘年命訥從學王惺所先生後入泮食餼有司旌其門

郭氏譚貢妻貢亡郭甫二十矢志撫孤依母家紉針操杼爲活以節終

趙氏王以恬妻夫亡年二十一歲舅姑老二子幼戚黨以年少諷之泣曰我非死之難惟老幼無託之患躬紡織終事舅姑訓二子成立有司奉詔署其門曰貞節新安孟雲浦先

生爲文以表其墓

李氏指揮胡紹先妻年二十六歲夫故撫育遺孤不墜家聲守節五十餘年詔封太淑人
王氏廩生劉應甲妻年二十歲夫故撫幼女三長俱遣嫁茹苦四十餘年巡按邱表其門
彭氏生員李民樂妻年二十七歲夫故遺二子皆幼彭艱辛教育二子同時遊洋州守表
其門閭

尙氏王試妻年十九歲夫故遺腹生子毓秀仰事俯育嘗艱苦者二十餘年爲毓秀授室
生三子毓秀尋亡媳趙氏守節撫孤一如其姑州守扁其門曰一門雙節

辛氏王順乾妻年十七歲夫故子用謀甫二歲氏哀痛欲殉鄰婦百方勸解因毀容撫子
以節終

孫氏申命妻適命甫期年命故遺腹生子又殤子立自守紡績終其身得與旌表給粟布
蕭氏吏員張美妻年二十歲夫卒誓不再醮撫育三子成立州守申請復其家時餽粟布
年八十終

楊氏廩生王爾修繼妻于歸三載夫亡舅姑在堂三子甫離襁褓勵志守節仰事俯育舅
終歸壙事姑尤謹其子後先執經學博後申督學道任題旌有金石爲心冰霜凜節始終

陝縣志

卷十八

二

罔懈雅稱完人之語

王氏李貞妻年十九夫歿其子甫四歲撫養成立子死復撫二孫家貧績紡寒暑無間

楊氏霍霞妻二十一歲夫故舅姑垂老子女二在襁褓氏勤於紡績養姑育幼苦節四十
餘年州守張璞給扁曰苦節堪風

以上見
吳志

清

張氏王道太妻年十六歸王越二年夫故無子翁姑伯姒俱逝遺夫弟一一五歲一三歲
姪一亦三歲氏撫育之遭明季寇亂備嘗艱苦弟姪並得成立康熙初河南守朱名魁表
曰苦節可風州守董國燦表曰矢志柏舟卒年五十三歲守節三十五年

尤氏趙應啟妻年二十九歲夫故氏矢志茹苦二十五年

張氏韓鉉妻年二十八歲夫故奉親撫孤守節四十餘年

以上二人均康熙二十二年州守給扁旌獎

李氏張我含妻貢生張復寬祖母年二十二歲夫故撫子翥蛟凌蛟遭明季兵荒貞操彌
厲翥蛟年少入庠卒年八十歲守節五十八年

荆氏生員劉定鼎妻年二十二歲夫亡一子未週歲堅志苦節卒年七十有八守節五十

七年康熙二十二年州守陳表其門

張氏王道昌妻年二十歲夫亡無子撫姪成立康熙三十一年卒苦節五十三年

岐氏王逢奇妻年二十三歲夫故遺子節昇甫三歲家貧撫孤艱貞不易康熙三十八年州守楊表其門曰節著冰霜卒年八十歲守節五十八年節昇事母以孝聞

李氏廩生劉汝舟妻年二十歲夫故遺子一未週歲上有翁姑氏紡績孝養撫孤成立康熙四十七年卒年六十三歲苦節四十三年州守周表其門

武氏王治國妻年二十五歲夫故氏幽貞肅慎守節四十餘年康熙五十二年州守給匾旌獎

陳氏莫若信妻年二十四歲夫故子幼家貧如洗氏織紵撫孤人莫覩其面康熙六十年卒苦節三十三年

王氏水有春妻年十八歲夫亡二子俱幼氏立志自守經闖寇之亂襁負避難辛苦備歷不變不辱卒年八十有三守節六十餘年

趙氏王理繼妻年二十歲夫故撫前室子如己出苦志守節康熙六十一年卒年八十一歲守節六十二年

陝縣志

卷十八

三

黃氏王居謙妻年二十一歲夫歿上事老姑下育弱子子死撫養嗣孫守節四十餘年雍正八年旌表

陳氏張鷄繼妻年二十二歲夫歿誓無他志撫孤子成立守節四十七年

劉氏孫貴庚妻夫歿年二十二歲家極貧事翁姑衣食無缺撫孤成立守節六十二年

趙氏呂之端妻年二十二歲夫歿孝事舅姑撫育幼子守節四十一年

張氏劉塚妻年二十一歲夫歿事翁姑撫幼子備嘗艱苦守節四十三年

申氏李世榮妻年十九歲夫歿家貧茹苦事舅姑盡孝撫子成立守節四十四年

嚴氏申鵬翼妻年二十二歲夫歿奉舅姑撫嗣子閱歷愈苦志操彌堅守節四十二年

以上六人皆雍正十年旌表

劉氏候補縣丞崔廣滋妻年二十歲夫歿奉事翁姑克盡孝道撫遺孤成立貢入成均守節四十五年

張氏候選州同王經言妻年十九歲夫歿事孀姑以孝訓孤子成名守節四十五年

葛氏賈文燦妻年十九歲夫歿家貧矢志撫孤守節四十年

衛氏郭岷妻年十六歲夫歿矢志靡他養親撫孤守節五十一年

蕭氏候補州同崔拱辰妻貢生蕭聲雋女年十九歲夫歿堅貞矢志訓子有成守節四十三年

薛氏盧克紹妻年二十歲夫歿孝養舅姑撫育孤子守節四十一年

成氏石得固妻年十八歲夫歿事姑盡孝撫遺孤成立守節四十五年

劉氏庠生韓溥妻年二十三歲夫歿孝事舅姑訓子成立入鬻序守節四十六年

韓氏史曰瑚妻齊氏史曰連妻曰瑚歿韓氏年二十一歲曰連歿齊氏年二十歲無子韓苦節四十六年齊苦節四十四年

劉氏王培寶妻年十九歲夫歿事親撫孤守節四十六年

張氏廩生唐京妻年二十一歲夫亡子士魁二歲氏紡績奉姑教子力學食餼於庠守節四十餘年

以上十二人皆雍正十二年旌表

王氏李上品妻年二十五歲夫故上事祖姑下撫孤子乾隆三年州守給匾獎勵守節三十九年

刁氏李廷輔妻年二十四歲夫故事親撫孤諸苦備歷守節四十餘年乾隆四年旌表

陝縣志

卷十八

四

史氏尙九思妻年二十一歲夫故無子撫姪子植爲嗣勤苦教養子植雍正乙卯膺鄉薦乾隆四年氏卒年六十有九守節四十八年州守劉給匾曰節立教成子植事繼母以孝聞學正張以母節子孝表其門

趙氏王訓妻年二十八歲夫亡事奉舅姑典衣供膳守節四十九年乾隆五年旌表

劉氏王國正妻年二十一歲夫故子思誠霖雨並幼氏堅志撫孤績紡爲活事繼姑盡孝侍疾十餘年不怠又養其無依叔母甯氏二子成立霖雨食餼乾隆五年夜夢神人驚覺急出戶而屋傾圯得不死人謂節孝所感守節四十年

谷氏生員范濟衆妻年二十一歲夫亡遺腹生子嗣質氏躬親機杼撫育成入乾隆五年卒年六十有九守節四十八年

趙氏李廷良妻年二十八歲夫故氏事奉舅姑勤於紡績守節三十一年乾隆五年給匾旌獎

李氏太學生劉焜妻年十八歲夫故無子撫姪爲嗣終事祖姑立志堅守苦節三十年乾隆六年當事表其閭

曹氏趙文煥妻生員趙世南母年二十六歲夫亡貧無所依躬操井臼事姑盡禮撫訓二

子守節五十五年

高氏霍文昇妻年二十五歲夫故上事孀姑下撫嗣子守節二十二年

以上二人均乾隆七年旌表

張氏韓瓊妻年二十五歲夫亡矢志守節百折不回歷三十餘年乾隆八年旌表

白氏高如巖妻年二十三歲夫故遺子文棠未週歲氏苦心撫孤乾隆十年卒年八十五守節六十二年

孫氏儒童王繼恬妻年二十歲夫亡氏撫子欽帝勤績紡課讀書入郡庠孫二曾少年食餼皆氏之教也年逾八十髮猶未白州守匾旌其門

劉氏張漢勛妻年二十四歲夫故遺子六月孀姑七旬氏截髮自誓奉姑撫孤食力於十指者四十年子汴及二孫名列膠庠年六十歲卒州守孟署其門曰節孝可風

劉氏范淑文妻年十七歸范歲餘而夫亡子甲生數月氏矢志守節事翁姑喪葬盡禮課子入庠卒年七十有五苦節五十七年州守甘表其門曰操凜冰霜

張氏盧毓章妻忠義張我德之女年二十歸盧越五歲夫故翁姑並老子甫二歲氏自誓守節仰事俯育備竭心力子遊庠卒年五十有八守節二十四年州守孟題其墓

陝縣志

卷十八

五

鄭氏生員甯養賢妻年十八歸甯越四年夫故子位漢甫一歲姑老家貧仰事俯育氏一身兼任之卒年七十有八守節五十餘年州守羅表曰臨流不愧

楊氏薛猷妻年二十七歲夫故二子俱幼氏矢志撫孤姪亦視如己出次子鉞遊庠壽八十有四州守朱嘉其貞潔爲署其閭

蘇氏生員兀起貞妻年二十七歲夫故子欽二歲氏撫孤成立得列膠庠守節五十餘年學使蔣表其門

胡氏張止敬妻年二十歲夫故越三日生子氏甘貧自矢撫子永泰成立守節五十三年州守周全功表其門曰勵志撫孤

黃氏姚從先妻年二十二歲夫亡子二歲氏苦節撫孤事繼姑盡婦職人稱其孝守節四十五年

高氏崔禧妻年二十九歲夫故三子皆幼氏事翁姑撫遺息守節三十六年學正李署其門曰勁節凌霜

汪氏王復元妻年二十二歲夫故遺子二歲閱三月又遺腹生子誓死靡他紡績撫孤爲夫弟娶妻夫弟故妻改適遺子幼弱汪氏撫育無異己子後俱成立守節四十二年州守

以苦節堪嘉匾其門

尙氏張元度妻年二十七歲夫死家赤貧氏事翁姑存歿盡禮撫二子皆成立卒年六十歲苦節三十四年州守陳表其門

崔氏馬廷賢妻崔星煥女年二十八歲夫亡翁姑年老子女四皆幼家貧恃紡績爲活有以更適諭意者崔拒之守益堅年八十有二苦節五十四年

韓氏王錄鼎妻年二十六歲夫故無子以姪憲嗣撫育有成守節五十六年

賀氏刁爾先妻年二十一歲夫亡遺子喜化僅三月氏自誓靡他事九旬老翁克盡婦道撫子成立卒年五十六歲守節三十四年喜化事母以孝母患癱瘓侍湯藥負持不懈者十三年州守孟以節孝表其門

韓氏廩生楊惟璟繼妻夫歿家道中落氏上事老姑菽水承歡前室子庠生涵死遺孫芳譽尙幼氏所生子灋濤亦幼氏和丸畫荻不少寬假灋登賢書濤列巒宮芳譽早食餼其厚宗族篤戚里猶藉藉人口云

王氏王振周妻夫亡子歿撫姪爲嗣好周貧乏鄰里待以舉火者數家巡撫雅列之彰善錄

陝縣志

卷十八

六

呂氏牛向辰妻年二十一歲夫故以姪培煌爲嗣躬勤紡績奉姑教子比長娶媳劉氏生孫同人劉故又娶張氏生孫修人未週歲培煌死呂撫兩孫至成立苦節三十三年張氏當夫死時欲以身殉悲姑年老不忍以襁褓中物累之及終夫喪從容自縊一門雙節士庶咸欽重焉

王氏宋廷玉妻年二十歲夫歿子士倫三歲氏立志撫孤至長娶媳生孫三人士倫復故氏又撫幼孫成人年八十五歲卒守節六十五年

衛氏李馨妻年二十四而寡堅貞自矢撫孤成立守節三十八年州守孟給匾獎之

馮氏衛聖文妻年十九歲夫亡以姪爲嗣事孀姑撫嗣子旣孝且慈守節四十六年

韓氏荆良埕妻年二十五歲夫故無子撫姪概爲嗣甘心貧困仰事俯育殫竭心力守節四十六年

韓氏儒童衛聖訓妻年二十一歲夫故子三齡遺腹又生一子氏矢志守節紡績餬口事姑撫孤艱難不恤守節四十六年

白氏韓文耀妻年二十三歲夫故無子或諷以更適氏誓死不二苦節三十年

李氏生員兀鑑繼妻年二十一歲夫故生子甫七日誓以死守撫前室子如己出守節三

十一年

兀氏儒童成麟妻年二十六歲夫故子二歲翁姑年老氏俯仰拮据營辦喪葬訓子成立守節四十四年卒學使汪表曰彤管紀貞

焦氏劉新玉妻年二十一歲夫故無子父母欲令他適氏矢志不從終事舅姑備極辛苦後夫弟新民夫婦並歿遺幼子二氏撫育人州守以苦節可嘉表其閭守節四十三年韓氏儒童武義妻年二十二歲夫故無子翁勸以改適氏堅誓自守撫姪爲嗣尋夭折復撫姪培續夫後事繼姑以孝聞姑病臥數年得其歡心守節三十五年

成氏生員曲起泰妻宗二十九歲夫亡守節四十四年卒秦氏起泰子生員元貞妻年二十七歲夫亡守節三十年元貞子持己又故三世早歿姑媳苦節鄉黨哀之

杜氏袁振廷母年二十四歲夫故子幼貧無所依衆謀奪其志氏誓死不改撫孤成立苦節三十餘年

郭氏兀養銳繼妻年十八適兀未逾年夫故前室子亦歿氏撫姪燧爲嗣艱苦守節四十餘年

李氏謝瀚妻年二十一歲夫亡家貧矢志守節事親撫孤苦節四十餘年州守匾表其門

陝縣志

卷十八

七

張氏太學生張玉樞繼妻二十六歲夫故前室子出繼伯父氏所生子增繡僅三歲堅貞自矢守節三十年

趙氏儒童柴森繼妻年二十二歲夫亡無子撫前室子如己出艱苦不二苦節三十年

張氏儒童張萬貞妻年二十三歲夫故子愈彰七歲氏矢志安貧事翁姑盡婦職有疾則親調湯藥訓子入庠守節四十九年

張氏宋小恩妻年二十五歲夫逃荒歿於永寧無子氏歸立族子爲嗣終成家業守節二十八十八年

張氏張克昌妻年二十八歲夫故子漢貴三歲賦繁族逼心力交瘁而百折不回年七十五歲卒

蘇氏四節婦 解氏蘇養陳妻年二十八歲夫故姑年六十子偉甫五歲氏仰事俯育荼苦萬狀偉遊庠循例入監候選縣丞苦節五十年段氏偉妻二十九歲夫亡段事姑解氏以禮教四子有方苦節三十四年王氏偉三子馭英妻年二十四馭英死遺子樸止三歲王守志不二歷二十四年曲氏偉長子馭才之子梅之妻也十六歲梅死無子撫姪梓爲嗣事翁姑守節歷三十七年冰霜勁節萃於一門殊令人景仰也

李氏陳惠妻年十九歲夫亡遺子數月氏矢志不二事翁盡禮子歿更擇繼嗣守節三十三年

師氏張純如妻年二十一歲夫故無子撫從姪戊巳爲嗣事孀姑盡孝冬月同衾侍疾尤謹守節三十五年

柴氏張永智妻年十九歲夫亡無子撫姪棟爲嗣勤於紡績教以讀書且使之周卹鄰里棟承順母志貧民多食其德者州守陳以捐逋養志表其門守節四十三年

王氏梁瑄妻年十九歲夫亡子幼氏事翁撫孤備極辛苦年七十有四孫八曾孫二守節五十四年

楊氏吳進孝妻年二十六歲夫亡遺二子矢志撫孤後長子中年夫婦相繼死遺四孫氏復撫之有成守節五十餘年

尙氏劉振肅妻年二十七歲夫故矢志撫孤守節三十六年學使張表其門

牛氏曹公偉妻年二十四歲夫故姑憐其無出諷改適氏引刀自誓絕粒數日泣幾喪明乃撫孤汶爲嗣終事姑以禮苦節三十年

呂氏鄭作功妻年十七歲歸鄭未五年夫死無子撫姪士鏊爲嗣佩遺言敬事舅姑得大

陝縣志

卷十八

八

體訓子業儒守節二十四年

孟氏趙純儉妻年二十五歲夫亡氏矢志靡他事舅姑甚周至有甘脆不私其子舅姑或與之則以兒已食告舅有疾侍湯藥惟謹處妯娌始終以和姪有生五月而失母者氏抱哺之如所生訓二子名列膠庠卒年六十有一

楊氏孫世俊妻年二十八歲夫亡氏欲以身殉念子女俱幼啣悲撫育辛苦備嘗子復夭折煢煢無依志節彌厲守節三十餘年

張氏高林妻年二十歲夫故無子以姪爲嗣守節四十三年州守以松筠節操匾其門

張氏劉自會繼室年二十四歲夫歿遺二子與前室二子俱幼氏食貧撫育毫不歧視守節四十年

郭氏劉永康妻年二十歲夫亡無子撫其夫弟子萬化如己子資之力學得遊於庠守節五十四年

白氏劉永年妻年二十五歲夫故自誓不二終事姑舅孝養備至子萬隆娶郭氏萬隆死郭氏年二十二歲志亦堅決白氏苦節三十七年郭氏守節十六年

孫氏生員趙宗憲繼妻十九歲夫故以孝母及前室子相囑氏克成其志州牧戈署其門

曰懿孝健節守節三十三年

李氏馬傑妻年二十二歲夫亡撫子復太成立復太死媳曹氏撫從姪如錦爲嗣一門雙節李氏守節四十九年曹氏守節三十三年

蔡氏張應魁妻年二十六歲夫故不計艱苦矢志守節卒年七十一州守給匾獎之

郭氏陳臨妻年二十四歲夫故事孀姑撫遺息心力俱瘁苦節五十三年州守孟給額表其門閭

崔氏姚爾勉妻年二十三歲夫故子三皆幼撫孤盡瘁子紹元入州庠苦節四十年

王氏李錕妻年二十七歲夫故子三皆幼氏苦節事姑守節三十一年次子廷霖妻劉氏年二十二歲夫死無子撫姪爲嗣事孀姑盡禮苦節二十一年

鄧氏張致才妻年二十五歲夫故子文清甫八月翁姑相繼逝遺夫弟二人氏並撫之各爲完娶守節三十七年

張氏生員水大觀妻年二十一歲夫歿欲以身殉時有遺腹冀存夫嗣月餘果生子紹淵養老撫孤紹淵亦讀書有立苦節三十四年

阮氏生員齊梁妻年二十九歲夫故二子廣譽聞韶並幼氏事翁撫孤身心交瘁聞韶列

陝縣志

卷十八

九

膠庠守節三十三年

鄧氏尚悅妻年二十四歲夫故守節三十餘年州守給匾獎之

衛氏陳予韜妻年二十一歲夫故守節三十年州守給匾獎之

白氏王居恭妻年二十二歲夫故子九齡二歲家貧苦志堅守子旣長爲娶田氏甫二年子媳並故復撫幼孫苦節三十四年

張氏楊忠賢妻年二十歲夫亡子二並幼家極貧氏事老撫孤艱難不二苦節三十年長子世傑故媳侯氏青年守志歷久不渝

黃氏唐大成妻年二十三歲夫故氏志凜冰霜終始茹苦守節三十餘年州守給匾曰心堅金石

張氏生員楊涵妻年三十歲夫亡子芳譽四歲氏事姑孝敬撫子有方芳譽遊庠食餼卒年五十七歲

其他概云夫亡撫孤守節若干年者如

李長庚妻趙氏

張鶴妻許氏

李景魁妻趙氏

楊顯宗妻白氏

楊承宗妻張氏

霍文鳳妻趙氏

生員高洪憲妻秦氏

衡彥昌妻張氏

韓瑞恆妻荆氏	楊士德妻阮氏	兀怡妻阮氏	張如奇妻潘氏
張中行妻水氏	楊進才妻趙氏	趙六祥妻牛氏	趙承謙妻亢氏
孫廷宰妻張氏	彭起龍妻楊氏	尤禮明妻呂氏	馬太妻王氏
趙成福妻張氏	趙錄龍妻尙氏	生員張銓妻趙氏	儒童馬復陟妻甯氏
生員劉鴻賓妻鄭氏	荆作般妻魯氏	趙克昌妻尙氏	陳文傑妻武氏
儒童張重吉妻賈氏	郭一鷓妻董氏	員國科妻程氏	孫文春妻賈氏
李天育妻焦氏	張鈴妻郝氏	張義妻朱氏	辛清朝妻成氏
董世榮妻范氏	王錫命妻王氏	任學開妻鄭氏	王緒晉妻彭氏
南沛妻衛氏	衛國賢妻王氏	劉繁妻張氏	儒童左良英妻子氏
儒童王君用妻左氏	生員陳自立妻唐氏	生員朱文煒妻孫氏	秦國祥妻趙氏
劉萬仁妻杜氏	孫培業妻韓氏	庠生宋奇妻白氏	梁天錫妻楊氏
李良俊妻尙氏	賈之璜繼妻馮氏	蔡毓鳳妻鄭氏	張璜妻李氏
儒童申鳳翼妻王氏	生員王作楫妻韓氏	員成太妻王氏	水龍育妻杜氏
生員范子衍妻曲氏	劉漢英妻張氏	馮祥妻趙氏	張子良妻燕氏

陝縣志

卷十八

十

劉灼妻褚氏	李紹唐妻王氏	劉瀛遜妻朱氏	尙璿妻鄭氏
吏員孫驕妻劉氏	張霞連妻高氏	張君詔妻劉氏	王訓廉妻張氏
盧塘妻張氏	陸起德妻賀氏	劉兆節妻楊氏	張霞翬妻劉氏
王誥妻方氏	張予琚妻陳氏	常陳夏妻李氏	葛永甯妻曹氏
孫愈禮妻張氏	張緯妻劉氏	趙自重妻李氏	阮瑞妻張氏
阮廣濟妻劉氏	張景秀妻沈氏	衛疆域妻王氏	郭九引妻張氏
張鐘奇妻章氏	田毓秀妻王氏	王良臣妻莫氏	儒童秦談妻狄氏
趙清憲妻秦氏	張世良妻許氏	生員常五正妻鄭氏	沈魁升妻甯氏
陳文秀妻劉氏	生員姚緒唐妻韓氏	任學尹妻張氏	生員楊所舉妻王氏
李桶妻段氏	張模妻鄭氏	生員李發枝妻刁氏	儒童張其翹妻趙氏
王純志妻陳氏	郭存誠妻謝氏	辛廷鏞妻崔氏	張萬福妻賈氏
張殷妻胡氏	生員韓祖姬妻趙氏	唐玉妻劉氏	饜水妻焦氏
衛朝保妻張氏	薛士姜妻王氏	秦小蹶妻連氏	劉文隨妻王氏

以上一百一十六人俱見龔志

賈氏拔貢生王師旦繼妻年十七歲歸王百日夫故妾李氏遺腹生子未幾李亦卒氏矢志撫孤苦節終身

以下趙志

張氏劉密妻年二十三歲夫故乏嗣翁姑無依氏矢志終養守節二十六年

王氏崔廣澤繼妻適崔二載夫故遺腹生子尋前室子長治亦故氏與媳劉氏並勵堅操苦守終身

趙氏王之賢妻年二十七歲夫故氏事孀姑撫幼子備歷艱辛守節二十七年知州陳表其門

李氏崔廣育繼妻年二十三歲夫亡子女無出前室子長成亦故氏爲媳張氏立嗣並矢孀操苦節終身

高氏從九品孫儒秀妻年十九歲夫故有遺腹子氏奉翁姑撫子成立苦節六十餘年乾隆年間旌表

張氏劉燠妻年二十一歲夫亡欲捐生有以不若孝親立嗣勸者乃撫姪爲嗣孝慈兼盡閭里敬之守節五十八年乾隆二十七年與娣婦李以雙孝同請旌

李氏劉焜妻焜燠胞弟也氏年十七歲夫亡事姑奉養備至守節五十二年與娣婦張以

陝縣志

卷十八

十一

雙孝同請旌

王氏石某妻乾隆三十三年請旌

孫氏張成貴妻年二十五歲夫故事孀姑孝養備至從夫遺命移翁墓以避南澗水侵典衣鬻細艱辛備至久乃葺事守節三十二年乾隆三十三年請旌

高氏衛廷寵妻年二十五歲夫病彌留時謂氏曰養母撫孤惟爾事耳氏許之既故氏仰事俯育克踐所約侍姑病禱以身代教訓孫曾皆有成守節五十六年乾隆五十年請旌
張氏尤永年妻二十九歲夫亡欲以身殉因姑老子幼乃稍稍進食家窘甚氏五勤織紵爲事畜資奉姑孝卽糞殮不給而甘旨不少缺姑歿哀毀備至貧不能具殮族戚重其苦節爭賻之乃營葬撫孤麝兒至於成立守節十六年卒乾隆五十三年請旌

李氏張仁守妻年二十五歲夫亡守節五十餘年乾隆五十七年請旌

楊氏鄧文彪妻年二十四歲夫亡守節四十六年乾隆五十九年請旌

趙氏蔡建法妻年十九歲夫亡守節四十二年嘉慶元年請旌

張氏郡貢生張亦魯女孀童李繼統妻年二十歲夫亡家貧無子人皆難之氏號泣自誓事翁姑婦代子職撫嗣子成立苦節五十年嘉慶二年請旌

王氏儒童鄧安敬妻年二十一歲夫亡侍姑盡孝撫嗣子成立守節三十二年
王氏陳師聖妻聖素病瘖不能言以手語氏想像以奉無不如意年二十六歲夫亡氏堅
心守節指井水自誓歉歲食糟糠以甘旨奉舅姑教子讀書名列膠庠苦節四十餘年族
鄰議旌表事氏曰婦人從一而終是何足異迨歿年七十

蕭氏孫軼羣妻年二十有五歲夫亡奉舅姑以孝聞教子篤學膠庠食餼守節四十餘年
張氏劉建妻年二十一歲夫故苦節四十七年

劉氏張文舉妻年二十一歲夫亡事舅姑甘旨罔缺苦節六十餘年壽逾八秩

李氏白芳聲妻年二十二歲夫故事翁姑執婦道家貧佐以紡績遇歲歉剖菜根食幾爲
餓葶升斗之粟不苟取也訓子讀書有聲庠序苦節四十餘年

曲氏白學仲妻年二十二歲夫故親老子幼孝慈兼盡鄉里無間言苦節四十年

戚氏張思明妻 高氏衛中元妻 喬氏呂賜讓妻 盧氏趙興祚妻

以上十一人俱嘉慶三年請旌

張氏尚學禮妻年二十一歲夫亡守節四十二年嘉慶四年請旌

張氏李繼統妻年十六歸李數月而夫故矢志堅守孝事翁姑撫姪長清爲嗣守節五十

陝縣志

卷十八

十二

餘年

劉氏監生員懷仁妻年二十一歲夫歿無子高堂垂暮羞膳必精潔以甥延派賢聲翕然

鄭氏儒童崔甯妻于歸五年夫亡事孀姑色養無缺弱子撫之成立

尚氏辛某妻 張氏尚學穆妻 王氏楊德精妻

以上六人均於嘉慶五年請旌

白氏孫統羣妻年二十歲夫亡守節三十五年而歿嘉慶六年請旌

柴氏戚文英妻年十八歲夫故遺子甫三月氏號泣欲絕已而曰戚氏幸有一線耳遂矢志撫孤祖姑依氏爲命及歿鬻簪珥成禮閭里咸嘆異焉子既長就外傳不以貧廢學年八十餘卒

馮氏王登科妻年十七歲夫亡養親撫子苦節彌貞

刁氏王贈力妻 張氏崔城妻

以上四人均於嘉慶七年請旌

鄧氏張曰雲妻年二十四歲夫亡守節五十三年嘉慶十三年請旌

甯氏沈於農妻年二十三歲夫亡家貧以紡績佐養殮舅姑病侍湯藥無少怠娣姒甚衆

相敬愛四十年無間言鄉黨稱之守節四十八年

李氏衛邦妻年二十六歲夫病革因無子恐氏他適試之氏泣曰從一而終義也遂立兄子宗浩爲嗣夫旋瞑目時唯姑在氏朝夕不離側姑嘗曰吾亡少子有佳婦晚景聊可娛也及姑病奉湯藥不少懈旣歿喪葬如禮守節四十四年

以上二人俱嘉慶十六年請旌

張氏曲彥聖妻年二十夫亡一子甚幼張氏上事舅姑得其歡心下撫孤子以成立其子書林念母氏苦節呈請旌表清嘉慶二十二年蒙恩准建節孝坊廟溝街西

高氏儒童衛仲元妻年二十歲夫故無子氏矢志堅守孝翁姑盡孝道苦節終身嘉慶二十四年請旌

王氏儒童段玉壽妻年二十一歲夫病革時以家貧無子恐無以守爲念氏聞言痛哭割髮自誓矢死靡他夫亡守節三十年艱苦備嘗不改初志嘉慶三十一年請旌

霍氏儒童張德鄰妻德鄰常患貧氏曰士宜尚志貧何慮乎族黨重之年二十三歲夫故幼子在襁褓氏撫之成立守節三十一年道光元年請旌

霍氏儒童水恆直妻通孝經內則晝夜佐夫讀年二十四歲夫亡守節二十七年道光六

陝縣志

卷十八

十三

年請旌

韓氏儒童王學武妻年十九歲夫亡無子撫姪爲嗣守節四十三年

王氏庠生荆貴培妻年二十二歲夫病革告氏曰雙親年老死不瞑目氏慨然以養親自任及歿氏截髮明志事舅姑生養死葬孝敬逾恆族里有賢哉婦歌守節五十九年壽臻八秩

以上二人俱道光八年請旌

郭氏儒童張敬業妻年二十歲夫亡氏痛哭幾絕善事翁姑撫姪爲子守節三十餘年道光十一年請旌

霍氏儒童張愈久妻年十八歲歸張六十七日而寡夫病時以親老爲念慨然自任及夫卒奉滌瀟盡色養撫姪爲嗣延師督課成名守節四十二年

潘氏鄭芝妻年二十歲夫病革以親老子弱爲念氏泣指天曰爲誓夫卒養親教子始終不渝夫姊適楊與氏先後守節三十餘年

鄭氏楊月桂妻年二十二歲夫亡家貧氏奉事翁姑以紡績佐滌瀟撫遺孤甫就學卽識孝道夫弟採桂夫婦俱逝遺子女各一氏撫養無異己出守節三十餘年

趙氏儒童張好修妻年二十一歲夫亡事翁姑孝備至撫姪會元為嗣性尚儉樸臨終戒無厚殮鄉里稱之守節五十三年

張氏儒童于南妻年二十二歲夫病侍湯藥不少怠及歿誓不二天事老親得其歡心撫遺孤鶴皋成名議敘守禦所千總守節四十四年

崔氏生員柴坤元妻年二十一歲夫亡氏漿水不入口家人以姑老子幼勸之始勉進食姑患瘋癲氏聞食羊肝可愈貧不能辦乃剪髮買肝姑食之果愈人謂至孝所感守節三十餘年

以上六人俱道光十二年請旌

張氏儒童蘇文宗妻年二十八歲夫亡二老垂暮孝養盡婦道撫姪振林為嗣守節三十四年

高氏監生王有光妻年二十七歲夫亡翁姑痛子成疾氏曲盡孝養慰翁姑心及夫兄生次子甫週歲氏撫之如己出終身勤儉守節五十六年

某氏衛邦畿妻年二十六歲夫亡守節

以上三人均道光十三年請旌

陝縣志

卷十八

十四

趙氏張德濟妻

曹氏曹多要妻

樊氏生員曹俊妻

王氏段先甲妻

張氏張秀成妻

孟氏武生段龍甲妻

張氏張佩馨妻

高氏楊如聰妻

章氏儒童張發云妻

楊氏生員郭王章繼妻

張氏張彪妻

張氏南習德妻

韓氏鄭書勛妻

曹氏辛成立妻

蘇氏楊自治妻

張氏賈德妻

王氏李 產妻

史氏鄭廷舉妻

張氏趙執義妻

梁氏董玉班妻

張氏賈如祿妻

郭氏楊憲武妻

孟氏趙鵬翔妻

衛氏胡魁元妻

高氏胡若虛妻

張氏郭玉純妻

王氏張法禹妻

陳氏張發興妻

岳氏師占魁妻

孫氏董永興妻

張氏生員胡鳳池妻

王氏董 蕙妻

武氏牛人春妻

柴氏劉子義妻

張氏鄧尙經妻

路氏趙祝洪妻

張氏潘 巍妻

鄧氏張清和妻

位氏儒童曲汝為妻

李氏董正元妻

韓氏陳 濤妻

武氏杜當法妻

張氏王德名妻

李氏賈 炘妻

師氏王英士妻

曹氏優貢生孟文峯妻

王氏孫景策妻

劉氏劉 彩妻

以上張趙氏等四十八人均於道光十三年請旌建立總坊

楊氏儒童張大觀繼妻年二十四歲夫故絕粒欲殉戚族以翁姑在堂穉子在抱為諭始

強起飲食氏翁司臬楚北氏隨姑在署屢以眚災肆赦之義向姑陳諍嗣鄖襄軍興翁運籌擊寇姑有憂容氏婉爲勸勉以解姑憂夫兄大成宰樂陵迎姑至山東氏赴夫兄任省侍後姑病侍湯藥無倦色姑歿夫兄歸里翁亦解綬會州大饑氏粗糲自茹留精腴奉高堂翁爲粥救饑民氏相隨經營活人甚多長子鴻翰廩貢侯詮訓導次子灃翰壬辰成進士官禮部主事洊升御史出守饒州孫三人皆擅文譽鄉黨以爲節孝之報守節三十九年道光十四年請旌

李氏儒童王進德妻年二十九歲夫亡舅姑已老祖姑猶存氏勤女紅奉甘旨終身不衰祖姑九十三而終舅姑各八十八而終訓子育孫以義方子殿臣考授從九品孫七游泮者一五世同堂男丁四十六人氏年百有四歲當時稱爲人瑞守節七十六年

李氏張仁首妻年十九夫亡守節五十三年以終初仁首爲張嗣子其弟仁便傭奴其兄仁首不能平相爭不已仁便以石擊兄首殞命李氏從中排解不致興訟張氏賴以相安清道光十五年親族爲之請旌建節孝坊衛村之東南隅

閻氏王進德之子殿傑妻年二十八歲夫亡與李並稱節孝

韓氏監生張壯圖妻 秦氏儒童水樂誠妻 鄭氏儒童郭國均妻 李氏儒童楊聖謨妻

陝縣志

卷十八

十五

李氏儒童霍時選妻 趙氏儒童李 法妻 徐氏儒童薛 洛妻 黃氏儒童李有德妻

王氏儒童劉治義妻 葛氏儒童郭永耀妻 張氏儒童王逢禹妻 姚氏儒童程敏行妻

衛氏儒童任兆麟妻

以上王李氏等十六人均於道光十五年請旌建立總坊

李氏儒童韓孝友妻年二十一歲夫故事翁姑撫孤子守節五十一年道光十六年請旌
梁氏李秉彝繼妻年二十四歲夫故有遺腹姑翁冀其男也未幾產女失所望以家無生計欲嫁之氏垂涕曰家貧親老我嫁安之矢志苦守純心孝養前室遺子二又一姪在襁褓氏撫養皆如己出守節三十三年道光十七年請旌

段氏儒童戚蕙妻嘉慶十八年蕙在滑縣把總名彰任所盡節時氏年二十五歲及歸葬氏撫棺號痛幾絕人強勸之始進食奉翁姑極其誠敬無子撫姪成立襲雲騎尉世職守節二十五年道光十八年請旌夫蕙入祀忠義祠人稱爲夫婦雙節云

郭氏儒童李發新妻結縲二載夫亡守節三十八年道光二十年請旌

馬氏程凌雲妻年二十三歲夫故奉舅姑得歡心甘旨無缺舅姑因皆年登大耋守節四十八年道光二十一年請旌

張氏白文班妻年二十歲夫亡撫姪爲嗣侍翁孝敬守節四十年道光二十二年建坊旌表

崔氏廩生張百成妻年二十九歲夫亡翁姑年老氏孝養弗懈教子瑞芝成立領甲午科副軍守節三十一年道光二十四年氏姪禮部主事張澧翰在部呈請行查彙題旌表

孫氏儒童韓知彰妻 張氏儒童趙鵬遇妻 賈氏儒童張鶚翰繼妻 尙氏李剛立妻

王氏生員霍長興繼妻 黃氏生員楊採桂妻 甯氏儒童楊希賢妻 宋氏尙凝畿妻

潘氏尙丹鳳妻

以上張崔氏等十人均於道光二十四年旌表

張氏儒童賈作邦妻于歸時年十六越半年夫歿守節三十八年道光二十五年請旌

段氏王本修妾年二十七歲夫亡病革語氏曰我已矣嫡室病瘋所生孤弱汝雖年少吾門之續絕惟在於汝氏涕泣受命誓死靡他撫嫡子在靡如己出復撫孫化洽成立敍職國子監典籍守節四十三年道光二十八年請旌

高氏陳茂龍妻有婦德茂龍早死有雙親皆老病奄奄高氏生事死葬均如禮以清道光三十年卒

陝縣志

卷十八

十六

郭氏儒童張斌妻 馬氏儒童張國治妻 曹氏生員張虎觀妻 蕭氏附生張載詳妻

水氏增生張爾強妻 張氏儒童成元福妻 田氏儒童張立妻

以上張郭氏等七人均於道光三十年呈請旌表

荆氏儒童兀拙如妻幼承父訓講習孝經論語及先哲格言年二十七歲夫故守節三十四年子應遴應舉名振庠序皆得力於母訓也咸豐元年請旌

兀氏仙居縣知縣兀采女安陽縣訓導張汝珏妻事舅姑敬而有常年二十八歲夫亡撫幼子珂程功程便程成立珂程己卯舉人山西趙城縣知縣氏守節五十四年享壽八秩咸豐三年請旌

閻氏營千總兀慎訓妻靈寶縣訓導閻景星女年二十五歲夫故守節十一年咸豐五年呈請旌表

馮氏秦萬金妻汝州人年十七來歸生子甫週歲萬金以南遊卒於浦口馮氏以紡績撫子成立年五十有八於清咸豐五年卒

柴氏儒童張範妻年二十七歲夫故守節四十八年咸豐七年呈請旌表

彭氏儒童李家駒妻年二十四歲夫故守節三十八年咸豐八年呈請旌表

秦氏梁殿魁妻年二十歲夫亡守節四十四年咸豐九年請旌

王氏儒童朱典章妻 尹氏監生張自太繼妻

以上二人咸豐十一年同請旌

孫氏儒童張召霖妻 郭氏儒童宋銘妻 柴氏儒童李萬庫妻 霍氏劉庚寅妻

朱氏武生秦暉吉妻 水氏儒童秦清源妻 張氏儒童水寬林妻

以上七人俱同治五年呈請旌表

路氏儒童張立德妻 李氏儒童于霖妻 姚氏楊懷恭妻

以上三人俱同治六年請旌

董氏段學韓妻年十九歲夫故事親能盡孝道撫嗣子成立守節三十年

王氏任登武妻年十九歲夫故事親撫孤苦節四十二年

孫氏宋中立妻年二十八歲夫故孝事翁姑守節四十六年

以上董氏等三人均於同治八年請旌

馬氏韓一元妻年二十六歲夫故孝親撫姑守節五十一年

楊氏于憲章妻年二十一歲夫故事翁姑盡禮撫嗣子成立守節五十五年

陝縣志

卷十八

十七

張氏于憲周妻年二十九歲夫故孝翁姑撫嗣子苦節三十五年

以上韓馬氏等三人均於同治九年請旌

劉氏姚希讀妻年二十七歲夫故奉親撫孤守節三十九年同治十年請旌

馬氏郭甸暄妻 呂氏郭連都妻 葛氏張逢源妻 劉氏張成玉妻

潘氏楊天仁妻 吳氏潘有剛妻 荆氏姚承大妻 何氏秦啟新妻

楊氏刁百興妻 靳氏姚增順妻 張氏呂鳳麟妻 劉氏雷振玉妻

張氏劉雙成妻 武氏史殿邦妻 張氏楊其輝妻 楊氏董鳴鸞妻

劉氏郭明星妻

以上郭馬氏等十七人均於同治十一年請旌

陳氏薛 齊妻 白氏薛 彥妻 白氏薛自立妻 王氏薛 文妻

呂氏張璽玉妻 郭氏張安瀾妻 趙氏張喜德妻 曹氏張昌運妻

喬氏李典章妻 張氏楊廣瑞妻 韓氏王 昌妻 高氏杜廷選妻

屈氏謝肯構妻 李氏喬三星妻 秦氏張中成妻 于氏史恭先妻

南氏張尙志妻 張氏兀 芝妻 張氏兀鑄人妻

以上薛陳氏等十九人均於同治十二年請旌

水氏張不任妻

刁氏張清昌妻

尙氏張安邦妻

賈氏馬坤元妻

潘氏馬行賢妻

水氏刁百榮妻

宋氏盧向南妻

李氏戚藹妻

王氏衛成太妻

兀氏張成德妻

孫氏楊鐘輝妻

張氏楊健妻

高氏王以誠妻

姚氏高榜魁妻

張氏陳景華妻

南氏張復夫妻

陳氏張洪妻

張氏高元秀妻

以上張水氏等十八人均於同治十三年請旌

劉氏陳瞻洛妻年二十三歲夫故守節三十五年光緒元年請旌

王氏薛思彥繼妻年十八歲夫故與娣張氏事翁姑得歡心並以孝聞撫姪謙遵成立謙

遵貢生孫七人曾孫三人守節五十年

柴氏馮國彥妻年二十五歲夫故事親撫孤守節三十五年

霍氏朱魁元妻年二十一歲夫故撫姪為嗣孝事孀姑守節三十七年

以上三人均於光緒七年請旌

衛氏水清澈妻年十九歲夫故孝事翁姑撫孤成立守節三十七年光緒九年請旌

陝縣志

卷十八

十八

張氏韓寶善妻年二十三歲夫故奉親撫孤守節四十年

劉氏張明元妻年二十六歲夫故矢志苦守奉親以孝守節六十二年

尙氏水元珠妻年二十一歲夫故家貧姑老撫嗣子成立守節三十年

以上韓張氏三人均於光緒十二年請旌

張氏高許椿妻年二十五歲夫故奉親撫孤守節五十八年光緒十三年請旌

楊氏張丕承妻年二十七歲夫故奉親教子守節四十九年

趙氏衛國安妻年二十歲夫故孝事翁姑守節三十年

以上二人於光緒十五年請旌

郭氏監生景逢敏妻年二十三歲夫故氏封髮自誓矢志撫孤事翁姑盡禮守節三十三年光緒十六年請旌

薛氏張五善妻年二十八歲夫故無子家無遺物氏矢志堅守寄養母家光緒十三年卒守節三十九年

亢氏監生李清選妻年二十六歲夫故撫子寶身成立為娶胡氏寶身死胡氏與姑相依極盡婦道以姪九如為嗣亢氏守節五十五年胡氏守節三十七年

孟氏喬應元妻年二十五歲夫亡遺二子家貧矢志靡他躬勤紡績撫子成立光緒八年陡溝村西施義地三畝人稱其厚德壽八十四歲守節五十九年

張氏州同張文魁妻年二十歲夫亡遺一子翁姑垂老堅志不二撫孤成立苦節終身有司旌表其門

段氏孟品三之母年二十一歲夫亡時品三方三歲家寒攜品三寄母家以養以教品三入郡庠氏年八十一歲卒守節六十年

衛氏荆書義妻年二十二歲夫故遺二子事翁姑克盡孝道屢遭兵劫貞心不變嚴訓子讀書次子榮翰早登巒序壽六十有八守節四十六年

樊氏侯中魁妻年二十七歲夫亡教子成立孫安都錫璋暨曾孫翊宣皆入州庠守節五十餘年

王氏李桂林妾年二十歲夫故嫡子早亡遺孫豐翰氏以養以教至於成人復延師課曾孫重輝等五人讀書重輝名列膠庠卒年七十三歲守節五十三年

張氏田有中妻年二十八歲夫亡事姑以孝聞姑病侍湯藥無少懈遺子三歲數載而天氏矢志守貞始終不渝密縣訓導兀煥勳旌其門曰苦節可風守節三十五年

陝縣志

卷十八

十九

張氏儒童馬吉祥妻年二十八歲夫故事翁姑盡孝教子鳴玉身列膠庠守節三十三年
耿氏曹元魁妻年二十六歲元魁隨父耕深山中值大雨三晝夜山水暴發父子皆溺死氏痛夫死非命誓死靡他遺腹生子時祖姑年八旬姑年六旬氏織紡度日孝慈兼盡守節三十八年

趙氏白宜采妾年二十二歲宜采遭粵匪之亂被擄去久無音耗氏堅守不二立姪爲嗣守節三十年

樊氏生員曹俊德妻年十八歲夫故守節卒年七十八歲守節六十年州牧陳旌其門曰志如金石

袁氏趙明登妻年二十二歲夫故事姑至孝撫遺孤成立守節五十一年進士王慎修以節孝可風額其門

馬氏生員曹允升妻同治元年允升殉難氏年二十九歲遺一子中年而天育孫成立守節二十九年

馮氏楊書魁妻年二十三歲夫故守節事姑盡孝一日至田間有虎來撲姑氏以身蔽之爲虎所傷姑泣不食氏忍痛勸姑勿悲姑心始慰苦節終身

張氏庠生姚申妻年二十九歲夫亡遺子鑿生事姑以孝撫孤以慈光緒戊子鑿生舉於鄉鄰里咸謂慈母之訓守節二十二年

崔氏嵩縣教諭姚榮甲妾年二十歲夫歿於任所氏扶柩旋里矢志靡他與繼嫡室崔氏分勞家務勵節彌堅

曹氏雙節婦 福建總兵曹三祝長子陝西鄜州營都司鵬彪妻何氏年二十八歲夫亡次子瘡生主事鶴彪妻趙氏年二十六歲夫亡各遺子二同心守節孝姑撫孤守節三十八年

尚氏水圓珠妻年二十五歲夫故無子氏孝敬祖姑奉事霜姑撫育夫弟成立以其子克禮爲嗣備嘗艱苦守節二十八年光緒十四年請旌

李氏水作靈妻年二十九歲夫故無子撫姪濯錦爲嗣得列膠庠卒年七十歲守節四十年

宋氏監生水盈科繼妻年二十五歲夫故有諷其他適者氏刃截手指爲誓撫前室子成立列膠庠孫亦入泮卒年七十五歲守節五十年

辛氏庠生朱衣點妻年二十七歲夫亡無子矢志靡他一日大雨連宵屋傾圮棟折椽崩

陝縣志

卷十八

二十

氏竟無恙人謂貞節所感守節四十七年

王氏尚天成繼妻年二十三歲夫故無子撫前室子成立列成均孫三曾孫八如熊渭熊俱入泮兆熊入泮食餼元孫十一應卜入泮食餼卒年六十三歲守節四十年戚族匾其門曰堅持雅操

秦氏趙立誠繼妻年十九歲夫故撫前室子成立尋子媳俱亡孫在襁抱氏盡心鞠育備嘗艱苦卒年七十有三守節五十四年

張氏趙竣妻年十九歲夫故撫孤成立後子媳相繼亡又撫育幼孫艱辛備歷守節三十一年

辛氏李寬林妻年二十一歲夫故守節撫孤成立甫授室子亦亡氏荼苦飲菹而待媳最善冀與媳共守柏節始終不渝年八十歲守節五十八年

孫氏陳福元妻年三十歲夫故遺子二勤儉持家義方訓子次子崇典入泮卒年六十七歲守節三十七年

馬氏鄭德高妻年二十四歲夫亡撫前室子成蘭成立有孫一同治元年成蘭死賊難孫旋殤氏零丁孤苦終始不渝卒年七十歲守節四十七年

張氏蘇元珍妻年二十六歲夫故事翁姑撫孤子成立授室子亡撫育二孫艱苦萬狀守節四十三年

鄭氏布政司理問張海立妻年三十歲夫故遺三子事翁姑以孝教子有方名列州庠卒年六十四歲守節三十四年

張氏高法妻年二十八歲夫亡事姑盡禮撫子宗張成立宗張承母訓有爭訟者必竭力勸息鄰里匾其門以彰其善氏年七十三歲守節四十五年

楊氏李鳳臨妻年二十九歲夫亡遺子一氏敬事翁姑教子讀書入郡庠守節三十一年師氏潘在列妻年二十一歲夫故事翁姑撫子躍瀾成立入泮貢成均躍瀾死媳段氏殉節氏又撫育幼孫成人苦節五十餘年

楊氏陳炎章妻年二十一歲夫故有遺腹子孝翁姑撫孤成立苦節三十八年子死媳某氏亦矢志守節

張氏儒童崔得時妻年三十歲夫亡撫四子皆成立次子蔭棠增生卒年八十二歲苦節五十二年

賈氏崔麟徵妻年二十五歲夫故撫幼女矢志堅守女長適水氏迎母至夫家奉養二十

陝縣志

卷十八

二十一

餘年卒年七十三歲苦節四十八年

刁氏朱縉章妻年二十六歲夫故撫子成立子中年夭逝教孫容照列郡庠卒年七十六歲守節五十五年

趙氏朱崑崗妻年二十九歲夫亡撫嗣子泮成立泮死媳孫氏年二十五歲亦矢志守節撫姪楷爲嗣楷死又撫孫成人兩世苦節趙氏卒年四十六歲守節十七年孫氏卒年八十四歲守節五十九年

孫氏水鳳儀妻鳳儀事母孝母歿以哀毀卒氏年二十八歲矢志堅守教子成名入郡庠守節五十八年

高氏城內鐘樓巷楊憲興之妻年二十九歲夫亡六子俱幼孤立無助氏日夜織紡以養六子少子永慶入郡庠其餘五子或農或商各安正道實氏義方之力居多守節三十餘年卒

趙氏庠生王天德妻年二十四歲夫故子者香方九歲勤苦教讀道光辛巳恩科登鄉薦六十歲卒守節四十一年氏媳水氏年三十歲夫故子十二歲年六十二歲卒守節三十二年氏孫媳張氏年二十九歲夫故子僅三歲年五十三歲卒守節二十四年時人謂一

門三節

何氏孟成虎之妻年十九歲夫故後數日生子名觀光氏苦節自勵不以家貧移志事親最孝值歲荒自奉雖儉而堂上甘旨猶無缺焉殷勤教子蜚聲庠序苦節三十餘年光緒十八年請旌

王氏王者聲妻年二十四夫故無子欲自絕家人勸之乃止遂誓志守貞取姪為嗣視如己出撫育成立教以義方母慈子孝一堂熙熙鄉里慕焉光緒十八年請旌

其他概云夫亡撫孤守節若干年者如

趙科妻尚氏

趙一敏妻任氏

孫森發妻鄧氏

孫榮曾妻劉氏

劉曰瓏妻梁氏

儒童韓友善妻張氏

劉鳳翰繼妻張氏

儒童高遂意妻王氏

沈成仁妻賈氏

孫鍾瓌妻劉氏

吏員張德位妻高氏

馬元儒妻蘇氏

孫世明妻蔡氏

生員張重習繼妻員氏

趙建名妻趙氏

儒童楊士譽妻梁氏

賈小根妻楊氏

謝廣爵妻南氏

成字妻柳氏

儒童燕臣智妻武氏

儒童張仲翰妻衛氏

張蘭妻辛氏

段鳳翥妻王氏

馬存德繼妻鄭氏

白繪山妻蔡氏

韓守謙妻田氏

學正白炳輝繼妻張氏

陝縣志

卷十八

二十二

孫九疇妻曲氏

馬成妻王氏

李生財妻張氏

賈守焯妻范氏

張漢霄妻鄭氏

王清言妻賈氏

從九品張佩銘妻薛氏

許鑫妻賈氏

王維翰妻張氏

辛尊榮妻張氏

陳茂龍妻高氏

中書科中書兀慎誥妻張氏

陝西巡檢兀培傑妻蘇氏

莫降雲妻任氏

王三陽妻張氏

曹漢書妻侯氏

楊振元妻李氏

王長太妻杜氏

侯運綽妻薛氏

趙敏性妻孟氏

儒童喬翠巖妻馬氏

監生趙濟南妻韓氏

生員孟天一繼妻楊氏

楊自強妻曲氏

荆鐘屏妻白氏

侯定邦妻陳氏

薛民寬妻李氏

霍小雄妻王氏

侯有法妻馬氏

張安定妻郭氏

侯二寅妻趙氏

霍春來妻賀氏

高舉桂妻賈氏

侯寅谷妻趙氏

侯建屏妻王氏

侯樹權妻韓氏

袁某妻侯氏

賈羣吉妻侯氏

賈常平妻張氏

侯中林妻張氏

劉振城妻李氏

秦義平妻曲氏

胡之筇妻白氏

衛邦佐妻荆氏

李生智妻某氏

李國楨妻高氏

薛思永妻王氏

馬喜平妻楊氏

薛天福妻張氏

張向震妻薛氏

馬先光妻武氏

王百和妻吉氏

李明堂妻陰氏	楊赦妻張氏	南應選妻楊氏	楊太章妻成氏
楊有時妻薛氏	莫湘雲妻張氏	莫蘭雲妻張氏	曹全成妻武氏
梁自得妻白氏	楊之連妻薛氏	王天順妻侯氏	王宗國妻楊氏
佾生員魁倫妻某氏	薛思榮妻衛氏	衛姚綱妻喬氏	張明朱妻薛氏
曹來章妻陳氏	曹政華妻王氏	趙盛周妻蕭氏	趙應周妻李氏
儒童楊蓋忠妻張氏	呂俊德妻楊氏	王明理妻秦氏	張書賢妻曹氏
陳明妻劉氏	王書經繼妻曹氏	甯文舉妻薛氏	甯逢俊妻郭氏
呂成對妻李氏	劉發科妻甯氏	史隨方妻秦氏	何東太妻李氏
張俊傑妻王氏	儒童張復元妻劉氏	趙濟瀛妻董氏	趙人寰妻熊氏
李元淑妻楊氏	張三泰妻王氏	段成貴妻高氏	郭懷德妻段氏
柴興禮妻段氏	李大典妻崔氏	楊震吉妻黨氏	武生董兆元妻楊氏
儒生張己未妻王氏	韓仰琦妻楊氏	韓又琦妻楊氏	董安心妻張氏
高雲行妻杜氏	辛清緯妻劉氏	張英儒妻曹氏	張履中妻楊氏
尚立祥妻喬氏	儒童盧榮灝妻馬氏	衛鴻漸繼妻趙氏	張履清妻牛氏

陝縣志

卷十八

二十三

辛文言妻劉氏	儒童盧太安妻辛氏	張希周妻衛氏	連永興妻水氏
楊興盛妻盧氏	張明倫妻辛氏	張雲龍妻黃氏	張問明妻辛氏
尚丹溪妻鄭氏	尚可意妻潘氏	周銀花妻張氏	楊全變妻任氏
李克長妻張氏	張繼元繼妻王氏	楊永源妻王氏	趙采蘭妻張氏
楊萬河妻趙氏	王仁妻張氏	張兆瑞妻蘭氏	秦廷選妻李氏
王書會妻曹氏	曹進修妻劉氏	丁元善妻任氏	楊居信妻徐氏
張雙元妻孫氏	監生周階太妻馬氏	茹玉瑄妻馬氏	閻致茂妻張氏
工部員外郎周隆太妻焦氏		陳苜妻蔡氏	張龍騰妻水氏
范孟春妻李氏	李鴻儒妻張氏	李休祥妻史氏	李友端妻韓氏
李文賢妻陳氏	李司震妻狄氏	李國珍妻杭氏	姚德振妻董氏
姚虎彪妻楊氏	陰成妻高氏	楊秀凌妻趙氏	曹大明妻黨氏
侯成銀妻郭氏	侯陳妻郭氏	王學廣妻張氏	甯建才妻劉氏
王吉祥妻馬氏	胡殿香妻楊氏	白玉學妻李氏	薛本立妻王氏
胡衍袁妻王氏妾史氏		胡敬祥妻焦氏	胡戒書妻武氏

史誌銘妻孟氏	庠生王之屏妻白氏	孫四支妻胡氏	劉喜奎妻趙氏
梁自得妻白氏	鄭成潤妻史氏	陳家訓妻王氏	監生薛克強繼妻楊氏
陳命新妻劉氏	任含璋妻何氏	監生霍長安妻馬氏	霍長靜妻劉氏
莫殿元妻南氏	莫伐元妻安氏	生員莫夢熊妻張氏	任全盛妻王氏
王隨貴妻劉氏	從九品銜楊鏞妻尙氏		侯登武妻王氏
曹占麟妻任氏	曹生桂妻孫氏	曹源魁妻杜氏	喬茂林妻王氏
楊光寅妻李氏	水冠庶妻趙氏	張爾翎妻任氏	張爾翔妻朱氏
張爾翹妻水氏	張天德妻尙氏	潘嶠妻張氏	潘嶼妻張氏
水序典妻張氏	趙鼎元妻盧氏	張朋庚妻水氏	李萬魁妻辛氏
賈大禮妻趙氏	李潔身妻水氏	刁師伸妻趙氏	刁學綸妻任氏
刁凌林妻劉氏	刁九經妻楊氏	刁敬明妻尙氏	刁登庸繼妻李氏
刁永慶妻水氏	趙元英妻朱氏	刁永懷妻賈氏	趙申文繼妻劉氏
尤仰忠妻呂氏	增生劉階萃繼妻杜氏		辛增榮妻張氏
陳廷敬妻李氏	章存心妻張氏	州同知銜張鶴立繼妻水氏	

陝縣志

卷十八

二十四

董世榮妻馬氏	張桂芳妻姚氏	楊效孔妻張氏	李鳳輝妻白氏
孟雲舉妻張氏	孟憲堯妻張氏	梁學清妻楊氏	馬振坤妻李氏
許雲清妻楊氏	王天眷妻楊氏	趙春和妻王氏	趙丹田妻尙氏
馬頌祿妻楊氏	水長泰妻孫氏	李占雲妻潘氏	朱春華妻趙氏
水廣生妻李氏	馬小靈妻潘氏	蔡靈驗妻崔氏	段滿榮妻王氏
段肅雍妻潘氏	蔡洛川妻李氏	劉書恩妻蘇氏	劉曰來妻張氏
劉隨盛妻李氏	生員朱殿揚繼妻劉氏		趙潔清妻尙氏
崔長伸妻馬氏	高雲會妻辛氏	劉雄飛妻李氏	張善休妻秦氏
朱遇周妻張氏	崔振南妻杜氏	程謙讓妻秦氏	張維豐妻楊氏
崔國風妻甯氏	庠生尙書升妻牛氏	辛鳳彩妻水氏	王振燕妻崔氏
王成昇妻李氏	王化育妻喬氏	王榮甲妻張氏	王明光妻牛氏
趙錫三妻員氏	尙西南妻朱氏	孫鳳儀妻周氏	韓寶三妻張氏
楊鳳儀妻紀氏	賈根子妻孫氏		

以上二百九十一人俱見趙志以下採訪

楊某氏山西人幼孤被族人攜鬻於陝縣爲婢故不知其里居姓氏年十八歸城內楊氏充側室生一女二十四夫死嫡室王氏有一子名榮向方十齡家道艱難氏佐嫡撫孤理家備極勤苦數十年無間言榮向賴其力以成名年六十八卒

馬氏劉玉中妻河底村人年二十一夫亡家極貧守節以終

陳氏劉銀中妻河底村人年二十七夫亡守節以終

張氏馬逢庚妻年三十夫亡守節以終

梁氏馬麟浴妻年三十夫亡守節至六十五歲終

楊氏孫秉凝妻年二十夫亡守節以終

牛氏張相之妻年二十歲夫亡上無舅姑下無子女守節以終

張張氏酌子坡人年三十一夫亡守節四十年民國某年蒙大總統褒賜匾額曰竹孝松貞

段氏褚長順妻夫亡守節至六十八以終

朱氏郭中用之母年二十四夫亡中用甫二歲家徒四壁立朱氏紡績採樵以撫兒值清光緒丁丑大饑人相食有勸其棄子他適者朱慨然曰吾離此子一步無死所也日抱子

陝縣志

卷十八

二十五

尋食野菜幾死鄰某憫其狀遺以玉蜀黍一升朱氏雜樹皮草根食之數月得不死劫年過後朱氏亦患病卒年三十一中用繼長學爲人能自樹家業朱氏遺澤也

牛李氏山莊頭村人年二十餘夫亡遺子女各一值清光緒丁丑歲大禋鄉人紛紛鬻兒賣女以度口人勸氏賣女或再醮氏堅不許卒延牛氏一線之傳

郭馬氏河底村人年二十二夫亡取姪祖文爲嗣守節至六十五歲卒

曹馬氏河底村人年二十八夫亡取姪銘鈺爲嗣守節至六十九歲卒

馬氏張餘慶妻年二十六歲夫亡守節至六十歲卒

王氏師如潮妻年二十八夫亡守節至七十餘歲卒清末曾蒙河南撫憲奏請准建節孝坊旌表

孫氏張銘午妻年二十夫亡守節至六十餘歲而卒

薛氏馬朱紅妻年二十七夫亡守節至五十四歲卒

余氏張懷曾妻年二十六夫亡氏撫屍痛哭三日不食竟至吞金以殉焉

黃氏程祖洛妻年二十餘夫亡守節至九十餘歲卒

楊氏楊岐峯妻年三十歲夫亡值清光緒丁丑歲大禋氏率二子二女挖食野菜度日次

子餓斃長子尙能傭工氏與二女爲人紡績賴以度此難關守節至八十四歲卒
張氏劉樂善妻年二十七歲夫亡守節至八十餘歲卒
王氏張九疇妻年二十四歲夫亡守節至六十四歲卒
曹氏劉發玉妻年三十三歲夫亡守節至七十五歲卒
張氏史魁鰲妻年二十餘夫亡守節至七十歲卒
張氏史靈傑妻年二十五夫亡守節至七十歲卒
賈氏史祥鰲妻年二十餘夫亡守節至七十餘歲卒
賈氏史書鰲妻年三十歲夫亡守節至七十六歲卒
甯氏王中秀妻二十歲夫亡守節至七十歲卒
馬氏侯中和妻年十九歲夫亡守節至七十餘歲卒
高氏孫崇山妻年十八適孫未百日夫亡氏絕飲食痛不欲生後遵其舅姑勸慰立嗣守節至八十一歲卒
韓荆氏適成村儒童某二十二歲夫亡守節至六十六歲卒
焦氏習夢雲妻年十八夫亡守節至七十四歲卒

陝縣志

卷十八

二十六

裴氏兀磬宜妻夫亡守節以終

安氏張龍翔妻年二十夫亡守節至五十五歲卒

甯氏閻致芝妻年三十五歲夫亡守節五十二年卒

王氏甯牛保妻年十七適甯越歲夫亡守節至七十九歲卒

雷氏王皂管妻年二十四歲夫亡守節至五十七歲卒

張氏閻致茂妻年二十八歲夫亡守節至八十四歲卒

蘇氏張五犬妻年二十四歲夫亡守節以終

水氏清州同張鶴立妻年十七歲歸張越年夫亡守節至六十六歲卒

馬氏梁公厚妻年十七歸梁二十八歲夫隨舅氏至宜川構暴疾歿焉馬氏聞訃痛不欲生轉念二子尙幼夫櫬未歸何可遽死越年適及叔氏溫軒返夫喪歸葬當是時家窘日夕以十指供二子讀旋爲授室平時不出中門數十年如一日年七十有五卒

趙氏王治榮妻年三十一歲夫亡守節至七十九歲卒

任氏彭學義妻年二十歲夫亡守節至七十二歲卒

李氏彭希賢妻二十一歲夫亡守節至六十三歲卒

尚氏趙潔清妻二十八歲夫亡守節至七十五歲卒

潘氏郝萬芳妻年二十八歲夫亡守節至六十一歲卒

秦氏張成樂妻幼讀書能知孝經列女傳各書大義年及笄適張善事舅姑勤紡績夜常執書伴夫讀無何成樂以暴疾卒秦氏年二十又無所出取兄子爲嗣守節至六十五歲卒

王氏劉小創妻年二十五歲夫亡守節至六十七歲卒

李氏劉重祿妻夫亡守節至八十二歲卒

王氏劉天榮妻年三十歲夫亡守節至七十三歲卒

余氏劉道榮妻年三十五歲夫亡守節至八十一歲卒

員氏劉光信妻年二十三歲夫亡守節至七十四歲卒

閻氏劉廣仁妻年二十二歲夫亡守節至六十四歲卒

任氏劉智明妻年三十歲夫亡守節至七十四歲卒

衛氏霍玉鼎妻年二十一歲夫亡守節七十二歲卒

任某氏年二十歲夫亡守節至七十四歲卒

陝縣志

卷十八

二十七

鄧氏劉七娃妻年十七歲夫亡守節以終

王氏郭有福妻年三十四歲夫亡守節至八十二歲卒

曹氏王萬恭妻年三十六歲夫亡守節至八十歲卒

霍氏王昇遠妻年三十二歲夫亡守節至七十八歲卒

趙氏曹道榮妻年二十六歲夫亡守節至七十六歲卒

陳氏曹來章妻年十八歲夫亡守節至七十八歲卒

侯氏曹成基妻年三十二歲夫亡守節至九十七歲手足強健耳目聰明無疾而終

馬氏曹小智妻年二十二歲夫亡姑早世一子尙在襁褓中馬氏仰事俯畜克盡其道翁病臥床久不愈溲溺待人馬氏朝夕在側爲之盥手洗足不避污穢越數寒暑無間可謂賢矣

員氏衛文鴻妻年二十歲夫亡翁姑皆遠出不家時員氏尙懷娠日夜祝禱神祇願生男以存衛宗祧後果生男資性聰明賴母氏撫育入郡庠後以岐黃術昌其家員氏年七十有三卒

霍氏張向文妻夫亡守節至七十六歲卒

霍氏曹英林妻年二十三歲夫亡家貧紡績以供子讀年七十有七卒

杜氏曹原魁妻年二十一夫亡守節至四十八歲卒

清授奉政大夫姚亦辰妻張宜人生子鑿生亦辰入郡庠未幾卒時鑿生方四歲宜人延名師教之讀值光緒丁丑歲大稔里黨乏食者月廩之自取糠糲以給待師必豐潔家事躬親料理不以擾鑿生光緒十四年戊子鑿生舉於鄉宜人猶勤勞不懈鑿生官滎陽教諭板輿迎養年已七十暇時猶行田陌示若孫不忘素樸光緒二十七年旌表節孝於民國五年十一月卒

趙志探錄不詳
見二十頁一行

水氏西樊村王奇俊之妻年二十三夫亡遺二女幼小撫之成人以次遣嫁獨自操作耕織備嘗艱苦人以爲難而氏晏如後取侄子小學爲嗣支撐門戶撫愛如己出守節三十餘年民國十一年卒

劉氏段三戒妻本鄭姓年三歲父母俱歿就養親戚劉某家故改姓劉年十五適段性純靜寡言笑事舅姑以孝聞二十九歲夫亡一子僅週歲家故饒裕劉氏內勤女紅外料耕種井井有序尤通算術明銀色人無敢欺鄰黨有貧乏者假貸不少吝有負責無力償還者輒免之臨終諭其子曰家業故應守貧鄰亦當卹年五十有七卒

陝縣志

卷十八

二十八

趙積倉妻年十七于歸未百日而夫亡守節至六十八歲卒

蔡氏辛萬福妻年二十夫亡守節至七十八歲卒

趙氏王龍光妻年三十夫亡守節至八十三歲卒

王朱氏夫亡守節以終

趙氏段小光妻年二十八夫亡守節至七十五歲卒

王氏尙成禮妻年三十二夫亡守節至八十二歲卒

馬氏崔明泰妻年二十夫亡一子天福僅二歲馬氏撫育成立授室趙氏不數年天福亦

亡姑媳皆守節以終均享高年鄉人稱爲兩世節孝

王氏馬行庸妻年二十夫亡一子逢熙及長配趙氏年二十六逢熙復亡姑媳皆守節以

終王氏年七十五趙氏年六十五卒時人謂之一門雙節孝

溫氏崔隆徵妻年十九夫亡守節至七十五歲卒

水氏崔吉雲妻年二十九夫亡守節至七十四歲卒

郭氏馬安福妻年二十六夫亡守節至七十歲卒

水氏秦從周妻年二十六夫亡守節至六十二歲卒

辛氏秦程序妻年三十夫亡守節至八十四歲卒

楊氏秦庚甲妻夫亡守節至八十二歲卒

馬氏秦興道妻年三十夫亡家貧馬率子佃田苦耕民國三年五月遭洪水之災馬竟溺死時年五十歲

郭氏馬逢龍妻年二十八夫亡守節至七十二歲卒

潘氏馬行義妻年二十七夫亡守節至七十一歲卒

趙氏盧振妻年二十一夫亡守節至七十歲

楊氏孟天義繼室年十七適孟夫即病勉行合昏禮而異室居夫遽亡楊撫前室子成立守節至七十九歲卒可謂貞矣

胡氏趙仁禮妻夫亡無子取姪為嗣守節至八十五歲卒

李氏趙仁同妻夫亡守節至九十一歲卒

郭氏楊鴻源繼妻年若干適楊前室遺子女二人俱在襁褓中郭撫之若己出越六年而鴻源死郭氏撫其子若孫皆成立年八十歲卒戚族為樹石表揚之

員氏王新榮妻年二十三夫亡無子取姪為嗣守節以終

陝縣志

卷十八

二十九

田朱氏夫亡守節至七十三歲卒

范氏張書材妻年二十八夫亡家貧民國十八年就食南關粥廠染病卒年五十歲

尚氏衛錫鏞妻年三十一夫亡守節至六十六歲卒

南氏王雲章妻年二十一夫亡僅一女紡績度日晚年死而復生者三次享壽一百零四歲

賈氏孫子彥妻年二十一夫亡守節以終

燕皂有妻張氏 姚和尚妻任氏 尤田子妻楊氏 尤天順妻石氏

楊懷勤妻楊氏 楊純卦妻朱氏 石生元妻謝氏 李得榮妻張氏

楊榮昌妻武氏 楊青雲妻徐氏 王九如妻白氏 張文莫妻張氏

郭獲檀妻張氏 戚象溫妻胡氏 徐觀德妻孫氏 史登科妻武氏

張際照妻孫氏 辛正西妻戚氏 張海子妻爨氏 辛珠子妻戚氏

于鳳水妻薛氏 徐青德妻荆氏 賈禎祥妻王氏 辛平西妻賈氏

王文潤妻董氏 韓寶三妻張氏 戚象恂妻張氏 郭春子妻劉氏

王德恆妻楊氏 楊鐵鎖妻齊氏 王庚立妻蕭氏 張某妻劉氏

荆氏齊四娃氏年二十六夫亡守節至八十三歲卒
李氏刁登庸繼室于歸四年登庸死前室生子文炳李氏撫之如己出守節八十有四卒
李氏張連山妻年二十歲夫亡守節至七十二歲卒
秦氏水長德妻年二十一夫亡守節至七十三歲卒
師氏牛俊隆妻年二十三歲夫亡守節至七十二歲卒
水氏潘自福妻年二十三歲夫亡守節至六十九歲卒
馬氏王永泰繼室年二十六夫亡馬氏撫前室子以成家致小康
王氏王文祥妻年十九歲夫亡守節至八十二歲
馮氏尙邦傑妻年三十歲夫亡守節至八十八歲卒
李氏王恆情繼室年十七于歸甫二月夫亡李氏上事翁姑得其歡心下撫前室三子若
已出年六十有二已獲孫男八人家道寔昌矣
毋氏衛水雲妻年十九夫亡守節至七十四歲卒
王氏張成仁妻年二十二歲夫亡守節至八十四歲卒
王氏薛思彥妻年十七夫亡守節至七十六歲卒經知州黃褒獎入節孝祠

陝縣志

卷十八

三十

楊氏姚虎彪妻年二十三歲夫亡守節至八十歲卒
姚氏何振綱妻年二十六夫亡守節至九十九歲卒
盧氏趙書聲妻年二十六夫亡守節至八十二歲卒
聶氏喬世興妻年二十五夫亡守節至六十六歲卒
陰氏喬瑞林妻年二十七夫亡守節至八十一歲卒
員氏會興鎮張雷泰妻年二十夫亡是時張氏家方饒以資雄一鄉以故員氏得安然守
節四十餘年張氏本五支後析產員氏獨掌一支不取嗣惟與寡嫂居嫂爲人老成若木
人凡家中出入會計皆員氏主持而嫂不預聞時時以財贍母家及員氏卒財產殆盡以
無嗣停柩在堂幾不能舉葬焉
王氏新店村張馬雄之妻年十九馬雄以瘵疾亡遺一子甫週歲氏撫孤守節不改其操
年四十七歲卒
朱氏下莊村張維則之繼妻入門三月維則亡氏嫠居撫前子緝齡以至成立孫樂三兩
歲又失恃氏撫養成人年近八旬體猶康健操作不輟年八十有零卒
牛氏張履清之妻年二十八夫卒守節撫孤原居雙廟河旋分爨徙居橋溝邊村女嫁男

婚經濟有方曾孫紹堯邑庠生氏年七十有三卒

辛氏盧景鰲之妻東樊村人年十七來歸景鰲美丰度工文辭尤善絃歌受學召南書院爲山長楊欣齋所器重以屢試不售憤恨而卒時氏年十九有子名居正甫週歲家惟一老姑無他親屬族人利其產欲氏嫁而瓜分之氏堅詞拒絕衆計窮時時藉端侵略氏恆寬容之茹苦含辛十數年終以環境惡劣致疾不起卒年三十有六時居正尙幼能刻苦讀書中學畢業後歷任黨政教各職學行名於時盧辛氏可謂有子矣

師氏張劍堂之妻年二十六夫亡有子名士衡方六歲氏撫之成立使之卒業大學年五十餘於民國十七年卒

范氏者宮前里人父母家世業農年十六適辛永祥永祥中年棄功名自放於宮前頭峪間行陶朱故事氏與之結婚未五年而永祥卒上有祖姑壽逾八秩翁姑年近六旬遺孤未二齡氏年二十一歲旣痛其夫之早亡復悲其親之耄耄無以慰子之幼稚無以立也泫然曰此情此境我將安從誓惟孝慈自任耳無何姑卒逾年翁又卒連遭大故哀慟之餘猶持身經紀喪葬無不當禮日與祖姑相依爲命祖姑郭年高艱步履氏每食必親進出入起居必扶持侍湯藥滌便溺奉事十年無或少懈祖姑嘗曰念吾孫曾苦我賢孫婦

陝縣志

卷十八

三十一

矣祖姑之喪籌備凡三閱月臨期會葬者數千人氏身任中饋供饌食分遣禮儀井然不紊尤爲勤勞備至叔翁兆渭受母遺命對氏遺孤特加優恤使之卒學而氏於叔孀亦奉事惟謹二十餘年針頭廚下備嘗艱苦佐兒讀焉氏性剛毅寡言不計較遺產分配惟慮及兒如不肖則焦然燈前月下時縷述艱難以課其子每語戚族曰吾生爲辛氏婦任勞任怨三四十年所以忍痛不死勇於自苦爲此子耳曾子曰臨大節而不可奪墨經云任損己而益所爲范氏有焉今氏年六旬例合旌表其苦節孝慈均可爲女界模範云

義烈

晉

陝婦人不知姓字年十九劉曜時嫠居事叔姑甚謹其家欲嫁之婦毀面自誓後叔姑病死其叔叔有女在夫家婦往視焉女從婦乞假不得因而誣殺其姑有司不能察而誅婦時有羣鳥悲鳴尸上其聲甚哀盛夏暴尸十日不腐亦不爲蟲獸所敗自是境內經歲不雨曜遣呼延謨爲太守訪其事旣知其冤乃斬叔女設少牢以祭婦墓謚曰孝烈貞婦其日大雨

呂纂妻楊氏宏農人纂爲呂超所殺楊氏與侍婢十數人殯纂於城西超慮齎珍物外出

使人搜之楊氏厲聲責超曰爾兄弟不能和睦手刃相屠我旦夕死人何用金寶超慚而退超將妻之其父桓以告楊氏楊氏曰大人本賣女呂氏以圖富貴一之已甚其可再乎乃自殺節晉史

呂紹妻張氏宏農人有操行年十四紹死即請爲尼呂隆見而悅之欲穢其行張誓不受辱遂登樓自投於地二脛俱折而死

元

別娥陳某妻夫死不忍獨生遂死旌表其門元史

明

杜氏州民白杞妻杞卒氏哀毀絕食自縊死

李氏唐倩妻倩疾篤氏以死許之及卒自縊以殉事聞得旌

王氏廩生任宏道妻舉人文瑤女宏道疾革王以死自誓宏道卒遂服毒死州守閻旌其門

潘氏王允升妻寄居溫湯砦寇破砦潘攜子逃奔被擄堅志不從罵賊死之

許氏郭名顯妻寇入城氏與衆婦抱六月嬰兒避城隍廟寇至邀衆出氏面壁不動寇怒

陝縣志

卷十八

三十二

殺之三日後夫得尸子猶活氏面如生

吉氏宣文興妻逆闖據潼關爲清野計平關東砦堡氏所居之砦將破男女奔竄氏厲聲曰勢至此不死必辱抱六歲幼女投井死

尙氏姊妹貢生柘女一適王一適薛來甯父母值寇攻砦將破尙恐受辱相繼投深谷死

趙氏尙永昌妻寇攻砦破趙有女年十二先擁入井以身繼之俱死

尤四姐未適人遇強寇擄上馬自投下泣罵不絕口賊怒殺之

高氏山東按察僉事崔忠貞公儒秀妾忠貞殉難潘陽時氏生子維四甫三月隻身抱持歸陝中途屢遭寇掠氏善彈百發不遺弦絕續以髮賊不敢偏乃得歸今忠貞後皆氏所延也忠貞繼妻張氏贈夫人氏亦贈宜人子廕錦衣衛正千戶

張氏庠生崔呈輝妻崇禎十三年流寇追至山姑衛氏使之逃已跳崖下氏不忍去踵之幸不死後寇又奄至欲殺其姑氏哀懇殺己留姑姑媳抱持大哭寇感其誠並釋之後生二子長斌次昶昶郡庠生

王氏直隸撫寧縣主簿張志高妻明崇禎十四年被寇掠罵不絕口賊以刀破其項墜崖下賊去復蘇順治五年夫故氏未三十弟謀逼嫁氏曰寧爲全節鬼不爲失節人欲自刎

乃已守節四十餘年卒州守周全功署其門曰筠節流芳

清

員氏李雙印妻年十六歸李未一月而夫亡氏縊於柩前以殉州守陳之櫟爲文祭之勒碑墓前

史氏張玉衡妻年十九歲夫故氏於含殮後自經死康熙二十五年旌表

張氏高 琬妻太學生顯基母年二十一夫亡誓守節撫孤夫弟逼改適氏截髮毀面絕粒七日死乾隆元年旌表

李氏賈見亮妻拒暴自經死乾隆八年旌表

史氏秦如意妻年十八歲夫死無子撫從姪爲嗣苦節二十五年翁姑既終嗣子成立遂自經死

王氏李天命妻年十六歲李宏見欲犯之氏自經死乾隆十一年旌表李抵罪

劉氏趙三狗妻年十八歲柴體直欲犯之氏自經死乾隆十三年旌表

聶氏趙崇謹妻浣衣於河爲趙小牛所逼大罵而歸自經死趙抵罪

張氏郭九丹妻拒暴墜崖死知州馮君作節烈傳表其事乾隆四十九年請旌

陝縣志

卷十八

三十三

張氏蕭音和妻拒暴投井死巡撫穆表其門曰節烈可風乾隆五十六年請旌

郭氏尚立均妻因尚萬年口角穢詈羞忿自縊死乾隆五十九年請旌

孫氏張隨成妻拒暴自經嘉慶四年請旌

劉娥姑字湖北咸甯令張際熙子儒童鴻南爲妻鴻南自父任歸娶未迨吉先三日卒時氏年十五年聞訃音白父母願歸夫家從一而終未允氏取妝奩焚之父母不獲已同往弔至夫家撫棺痛哭就靈前剪髮及葬向墓門泣曰待我拜舅姑後相隨於地下已而自咸甯辭舅姑歸引嗣子拜墓前哭次日閉戶絕飲食七日死聞其事者以詩紀之嘉慶十七年請旌

郭氏陳氏滑縣城守營千總戚名彰妾名彰勦賊陣亡郭氏陳氏相繼投井死 贈孺人入祠

劉烈女賒旗鎮劉鉞公之女於清咸豐二年十二月二日生年及笄許字馬家村馬恭讓爲妻未嫁而恭讓死女聞之遂飲藥而殉焉

武氏字柳金城爲妻年十七未嫁而夫故訃至氏絕粒欲殉母勸之次日拜哭夫靈成服矢志守貞金城出葬氏於墓側欲自盡親族勸歸因念衰翁無侍養遂誓與存亡數年翁

歿安窀窆後絕食死年二十五咸豐十一年旌表

曲氏賀之合妻年二十六歲夫亡氏苦志守節四十七年孫女賀氏字王申之子未嫁夫卒矢貞不嫁乘間自縊州守蔣爲烈女碑於墓左學使張署祖孫節烈爭輝以表之

唐氏尙顧行妻年二十八歲夫故或欲奪其志氏墜崖折體誓死不二守節四十二年

楊氏王建豪妻年二十二歲夫故欲以身殉因姑老子幼竭力侍養撫子成人迨子又生子遂不食死年五十九歲守節三十七年

章氏廩生張潔立妻夫故絕粒七日死

侯氏甯永平妻年十八歲夫亡自縊以殉

薛氏陳更新妻孝子克誥女幼從父訓讀孝經列女傳歸陳年二十二夫故氏哀毀欲殉以延夫嗣爲重矢志撫孤子殤氏投火死

其同治年間髮捻頻經罵賊不屈者屠殺尤慘或投崖殞身或被熏土室舊志分載纂詳茲彙錄之以見當時忠義之氣不獨士大夫慷慨赴難卽閨閣亦不肯濡忍苟活所以立人紀而扶綱維者大有所在固不能以世變而抹煞云

張炳南之母章氏及其妻郭氏

張裕德之妻宋氏妾曹氏暨兩女秋姐青姐

陝縣志

卷十八

三十四

徐振江次媳王氏姪媳張氏姪女素娥春蘭

鄧振南之祖母任氏

鄧隨福之母趙氏暨妹枝姐

鄧執德之孀任氏暨女太姑

賈修德之嫂王氏 曹宗貴妻董氏

任金印之妻任氏 朱家溝婦人任氏

張聖基之女引姑 張炳奎之妻郭氏

張聖塚之妻賈氏 楊文福之妻杜氏

梁國禎之妻刁氏暨幼女善姑

盧榮漢之妻楊氏 訓導王景運之妻崔氏

生員崔式善之母喬氏

程世善之妻柴氏

段生桂之妻史氏暨兩孫女鵝子涼子

段金元妻趙氏暨幼女輪子

從九品張占鰲之妻甯氏

生員劉榮甲之妻趙氏

柴超倫之女蟬姑 柴可蘭之母李氏

柴金鰲之妻衛氏暨女大姑

柴可枰之妻劉氏 柴可榮之妻韓氏暨女翠姐

蕭丁酉女大姑

史金福之妻柴氏暨女二姑

柴天賜之女娥姑 賈中齡之母陳氏

劉全來之妻張氏 柴天法之妻張氏暨女榮姑

趙冬至之妻馬氏

賈雲待之妻陳氏 賈來成之妻梁氏 柴改煥之母張氏

任德之妻薛氏

柴劉煥之妻范氏 柴遂心之妻馬氏暨女二姑

柴長升之妻張氏暨兩女大姑一姑

柴金定之母王氏

柴珠之女二姑

柴小別之女然姑

趙鵬來之母孫氏暨兩女銀姐翠姐

杜百餘之妻王氏

趙森林之妻衛氏

劉來之妻柴氏

柴可構之妻韓氏暨女大姑

劉殿朝之妻李氏

柴可杠之妻莫氏

武生張平漢之妻高氏

張庚福之妻張氏

甯世昌之妻張氏

從九品張光符之母劉氏

成明亨之妻姚氏

曲恩子之妻姚氏

曲交泰之妻張氏

曲俊秀之妻王氏

曲長禮之母任氏

曲雙得之妻成氏

雷天望之妻任氏

張煥德之母趙氏妻劉氏

牛小倍之妻楊氏

劉丙寅之妻王氏

劉清綸之妻趙氏暨女時姐運姐

趙小月之妻張氏兒媳楊氏

李定法之妻張氏

郭建辰之妻董氏

王芸之妻薛氏

張伯通之妻王氏

張三畏之妻王氏

鄭文清之妻任氏

柴青棠之妻王氏

柴茂棠之妻王氏

柴鴻升之妻孫氏

鄭恆德之妻張氏

鄭德盈之妻辛氏

蔡小剛之妻張氏

張小文之妻劉氏

賈鵬舒之妻張氏

張玉桂之妻范氏

段三樂之妻郭氏

段占元之妻李氏

李馬羣之妻宜氏

李三太之妻段氏

馬鵬明之妻賈氏

陝縣志

卷十八

三十五

王生蘭之妻段氏

何正發之妻馬氏

何小祿之妻邱氏

賈修德之妻王氏

曲從志之妻王氏

曲成志之妻成氏

曲從韶之妻賀氏

薛步雲之妻何氏

張書奎之妻張氏

張照奎之妻朱氏

梁小榜之妻張氏

梁成德之妻孫氏

梁修德之妻師氏

劉學會之妻梁氏

劉忠魁之母張氏妻盧氏

韓成林之妻郭氏孀媳鄭氏

韓小安之妻陳氏

韓年平之妻張氏

韓樹林之妻朱氏

崔庚娃之祖母朱氏母曹氏

張炳之妻賈氏

張振街之妻高氏

張振霄之媳宋氏

馬牛娃之母楊氏

王小轉之母楊氏

橫渠村王楊氏

高小性之妻馮氏

張百順之妻尙氏

史多見之妻蘇氏

李春華之母薛氏

李崇貴之妻張氏

高舉魁之妻李氏

張純義之女漂姐

高會雲之女達姐

李猪娃之母劉氏

李廷德之孫媳蘇氏

蘇根拴之妻張氏

廩生王文顯次媳崔氏

李養源之妻高氏

李基棟之妻侯氏暨其四女

李木名之妻石氏

水東南之妻宋氏

孫耀南之妻馮氏

杜三元之妻李氏

楊克福之妻蔡氏

王家琚之妻王氏

甯世界之妻劉氏

甯中憲之妻水氏

甯世福之幼女小娥

郭永謙之妻張氏

張世隆之妻甯氏

張春魁之母鄭氏暨長媳王氏孫女罐姑盆姑

張倫魁之妻聶氏

張蕭氏之女銀姑

衛第福之妻郭氏

衛佐清之妻薛氏

閻雙安之妻郭氏

馮思祥之妻閻氏

郭天鶴之妻潘氏

郭登瀛之妻王氏

王宗有之妻李氏

楊珊娃之妻邱氏

楊閏月之妻王氏

秦小擔之妻馬氏

邱鴻信之妻韓氏

邱萬章之妻王氏

邱金元之妻段氏

邱栢娃之妻張氏

王金庫之妻王氏

宋振平之妻王氏

夏石瑣之妻李氏

段玉祥之妻馬氏

陳世貴之妻吉氏

李鶴鳴之妻董氏

張松齡之妻李氏

張鵬齡之妻劉氏

張若賓之妻王氏

張聖階之女愛姑

鄭德化之妻尙氏妾楊氏

張鴻翔之妻劉氏

史林祥妻宋氏

以上共二百零七人俱見趙志

李連山妻王氏下峪裏村人民國十一年陰曆六月二十六日流寇老洋人部擾張汴原王氏避難南嶺突與賊遇賊欲強逼王氏知不免恐受污辱乃以婉言給賊乘其不虞遂投崖而死

侯楊氏楊家溝人許字侯家溝侯明世年十七未嫁而明世亡楊氏聞訃卽閉門自縊以

陝縣志

卷十八

三十六

殉遂與明世合葬焉

高朋顯妻馬氏懷慶府舉人馬應龍之孫女生員馬宗直之女生長名門幼嫻閨訓歸未幾夫病馬氏割肉療疾卒不愈朋顯死馬氏亦墜崖以殉知州羅儀聞之發銀三十兩勅建牌坊爲文記其事以表揚之

楊純卦妻朱氏夫亡無子取姪爲嗣事舅以孝聞民國十一年六月二十五流寇老洋人陷陝城全家離散聞舅及姪均被掠去遂投井而死

賢淑

章氏商邱教諭張橋妻善事翁姑姑病思食餛飩貧猝不可得氏割左臂肉裹以進次日遂瘳橋繼室王氏惺所先生元孫女撫前室二子翹遠務遠如己出初不習書後頗通文史動止以禮人以爲女士云

張氏賀周現妻庠生賀敬母十六歲適賀事孀姑曲氏甚孝家赤貧嘗勸夫鬻子以養姑夫婦子女時或終日不食而姑之饗殮不少缺一夕姑心痛危篤張禱天願減已算延姑年旋復甦更二年卒張哀毀骨立年九十歲蒙恩賜粟帛雍正五年以壽終

武氏張松林妻夫故年饑鄰里有乏食者氏出麥四十餘石以周之州守陳廬其門

韓氏廩生師貞吉繼妻夫故撫前子如己出教以詩書入鬻序人稱爲女中君子
程氏趙誥妻事翁姑盡孝姑生幼子無乳氏棄其女以乳之又妯娌有遺子甫二月氏乳
哺之皆成人

某陽輔妻事翁姑盡孝侍疾時嘗禱於神願減己算爲翁姑壽無子勸陽輔納妾沈生二
子沈死鞠之如己出更勸納妾季復生二子人以是賢之

衛氏生員崔廣濟妻太學崔爾庚母幼嫻女史事翁姑盡孝姑疾祈天願以身代夫故氏
疾革諭爾庚曰汝父已亡余且死祖母老矣其善事之遂卒鄉黨稱其孝思至歿不衰云
張氏生員王珩妻事繼姑以孝聞珩老無子鞠姪爲嗣又勸夫娶妾生子聖言夫故聖言
五歲氏仰事俯育辛苦備嘗宗黨以爲閨範

葛氏生員褚癸巳妻已外出母病劇欲食肉氏割臂肉煎之以進病乃瘥

尙氏水濟物妻事姑盡力姑患癱瘓不離床席濟物樵蘇供菽水尙扶持左右十三年不
倦宗黨難之

曹氏董文秀妻姑患時症七日不食焚香祝天截手指煎湯進之病遂愈

張氏尙五常妻明忠義張我德曾孫女夫婦如賓事繼姑順承其志姪有少失父母者氏

陝縣志

卷十八

三十七

夫婦撫卹無倦鄉黨稱之

張氏衛廷云妻家貧氏子拾丁臣弼遺金十兩至冢氏諭令送還巡撫田給匾曰清淑可
風

辛氏張 縉妻適張氏時翁姑已逝祖姑王氏年老病癱瘓氏事之惟謹飲食便溺扶抱
二十餘年不倦州守學正皆表其閭

王呂氏五原村生員王雨蒼之母年十七來歸時清同治初年捻匪猖獗呂氏新婚未三
日倉卒寇至村人皆逃避鄰堡呂氏知匪勢大堡必不守獨扶舅姑避入村後之二仙坡
山中是夜堡果破俄見火光徧野呂恐舅姑驚駭乃將山上乾柴堆燃以混之賊見火光
疑是黨夥亦不追尋卒免於難其後三子皆授室暇則聚集子婦於一室爲之講說勤儉
孝敬和睦一切處家之道享年七十餘歲卒

白氏姚邦儒妻性貞靜寡言笑孝舅姑睦戚族助窮乏鄉里稱賢婦年三十三夫死守節
至六十九歲卒

曹氏董文秀妻性賢孝姑有痼疾久不愈曹氏聞人肉可瘳乃斷指和藥以進姑食之果
愈知州廉其情奏請上峯勅建坊以表揚之

上官氏樊象坤妻性賢孝姑陳氏年逾六旬患癱瘓艱步履日臥床褥氏供湯藥侍枕席無倦容十餘年如一日一時里人稱孝婦焉

梁殿象母張氏母早喪繼母辛性剛極難承順孺人孝事之頗得歡心遇事能幾諫辛由是少改撫如已出及歸梁人多不知其爲繼母也是時梁君處窮氏左右無違雖困鬱處之怡然且時爲寬解佐夫教諸子不少姑息芮城薛仁齋講學於靈寶之項城梁君遣殿象從之學氏日夜勤劬家務力行節約惡衣糲食惟恐以貧故使子輟學其事王舅姑及諸姑怡聲下氣小心敬畏諸婦有過委曲諭戒但令自新無苛責忿厲之容未嘗施諸人四子殿象其長也卒年五十有五

三區上席村介姓氏族式微家復貧寒有孀婦撫一子甚幼無他親屬惟與一未字小姑居值歲荒米貴生計維艱勢不全活姑謂嫂云將我賣去得錢若干你母子可以存活介氏不至絕祀一舉兩得如何嫂不能堅守曰我再適人你得錢撫姪姑無奈曰可於是嫂去姑留撫姪成立爲之婚娶以延介祀終身不嫁年逾七旬鬢髮皆白猶垂辮以表示老處女是時孫曾已數輩介氏自斯寢成巨族卒後葬村之南至今鄉人稱爲老女墳云衛氏新店村楊鳳鳴之妻性賢淑光緒三年歲大侵鳳鳴卒氏年三十六歲撫孤從治得

陝縣志

卷十八

三十八

度荒劫自是晝則入田操作夜則紡織不輟漸致小康晚年從治聞名鄉里諸孫繞膝氏猶勤勞如昔荆釵布裙自若也人謂有敬姜之遺風焉以宣統二年四月二十七日卒年五十有七

楊氏張少柳妻幼嫻女訓年十七歸張事祖姑舅以孝處娣姒以和德容言工人言無間是時張氏家中落氏躬親操作窘迫不形於色夜則篝燈織紵恆達旦不休少柳兄弟三伯氏早卒仲以捻匪之亂罵賊不屈死遺子女各一孺人撫之如己出既畢婚嫁呼泣謂曰向者人以人口與產業不均唆汝析居余不忍受以汝未成立耳今其時矣既析而窮仍合居待如初清光緒初少柳從軍秦隴家無宿糧孺人藜藿自甘官租私逋推劃無遺逾二年少柳歸值丁丑之災人相食戚族呼號求助者不絕於門氏省餐分粒全活頗衆治家嚴整年逾古稀不廢操作以率先子婦生三子坤方貴顯於時均坊相繼入政途氏履素依然力戒奢汰令子弟以耕讀爲世業民國八年月日卒享年八旬有幾

郭氏張鳳甲妻山莊頭人幼嫻閨訓頗明大義事姑以孝相夫以敬克勤克儉備盡婦道夫亡守節數十年非親族慶弔未嘗與鄰族婦女通笑語家本小康時時仗助親族之貧乏者不少吝其母家姪光麟幼讀書純篤以家寒氏恐其輟學招至其家爲延名師教之

時時督促不少寬假於是光麟志益堅讀愈勤卒竟成名有聲於時其後光麟每自外歸必至姑家省視事之如母其卒也光麟爲之葬祭封樹極盡禮氏無子取近支姪春芳爲嗣卒年八旬有幾

燕氏王建中之妻入門後不及事舅姑家貧間糞殮不繼釜無粥而突有烟不令人知其斷炊也鄰婦生兒乳未下邀孺人乳比去持數餅令攜之歸孺人面紅於頰堅辭拒絕歸而自思曰乳鄰兒義也行而與之餅以吾貧故受之同於乞吾不爲也人固有終貧者乎嗣建中以勤儉自立門戶置田產起廬舍結交一鄉文人通材碩彥日接踵於門是時家方裕自奉猶儉約而宴客則未嘗不豐親鄰族黨貧乏者米鹽布縷尤肯飲助傾筐倒篋無吝容嘗曰貧苦滋味吾飽嘗之故在所不惜也晚年兩子成立諸孫繞膝常以貧時情況縷縷道之至爲泣下年七十以痲疾卒

李氏位店鎮某某之女歸本郡張鳳儀夫拙無能事之維謹孝敬翁姑凡衣食必令適口體翁年七十餘患痲疾扶而後起飲食需人氏奉養無倦繼姑辛厭其子因詬詈氏或杖責之而氏敬不少衰積誠日久卒相親愛翁老愛誦古人嘉言善行時爲兒女輩講解氏輒默然識之然與人語卒未嘗一道及也四十餘年未嘗出與鄰族婦女一通笑語葬之

陝縣志

卷十八

三十九

曰鄰婦觀者多泣下

張氏郭祖繩繼室會興鎮人父早卒叔父諱容惠清誥授中憲大夫生長名門深明大義年二十適郭郭氏以書香世家氏以賢淑稱是時姑老多病氏事奉備盡婦道性貞靜寡言笑良溫慈惠數十年未嘗見怒容未嘗聞厲語然教子頗嚴兒孫雖甚幼必訓之以義方不令與他兒戲以故其家人皆循循有禮法平時自奉儉約然遇親族慶弔必周至待塾師尤豐厚春秋節享必躬親料理生四子三女仲季皆夭亡以傷心得目疾其長子樹樽方以學行聞於時長媳以賢孝侍側心稍慰然年逾五旬平時不履大門長媳爲野鹿張氏宦家子麗而賢祖父奉曾官山西文水縣尉生長文水任所年十七來歸性一如其姑以故姑媳情倍親三十五歲先卒氏以痛傷過度未逾月於民國二十三年夏歷九月一日相繼棄世享年六旬有四

張氏馬萬鎰妻三門村人幼嫻閨訓於四書文字頗能通曉既長適萬鎰事舅姑以孝聞萬鎰有弟早死遺兩子皆幼氏撫之如己出縫紉井臼恆以身任之不知其倦子炳炎方就外傳每晚歸氏篝燈紡績輒令讀書其旁訛則正之情則責之書聲與機聲相和也而禮敬塾師親調盤餐儀文之隆尤難比擬故炎之入邑庠得力於母教爲多年七旬有四

民國二十一年八月四日卒

辛氏下莊村張國珍之妻子維則早亡遺子緝齡失怙恃氏撫孫成立清同治初迭遭兵燹光緒丁丑戊寅連遭奇荒氏以女流調度周旋全家無恙時人有女丈夫之稱年七十有三卒

秦氏田家莊村趙清廉之妻姓貞靜寡言笑家務操作事必身先而飲食常後人年三十夫亡僅遺一女氏守節立志撫女成人尋積勞多病臥床不起凡湯藥之奉床褥之侍全賴其女歷數年無倦容氏頻危時顧其女泣曰吾無丈夫子然有女如此勝似男也吾當瞑目泉下矣卒年五十餘歲女適下莊村張敬三賢淑如其母教子成名人咸稱道云馬氏盧太清之妻鹿坡村人年二十一歲夫亡遺子崇山甫滿月有姑賈氏年四旬餘早亦守節氏事姑極孝甘旨承養終其身無違意者守節三十餘年撫子成立義方教誨至於讀書成名其他和妯娌厚族黨人以賢淑稱之

郭氏辛在鎔之繼室在鎔有潛德曾典地餽金助叔父廣東之行焚券了債濟族人顛沛之阨同治四年十一月卒氏以四十六歲孀居能成夫志勸儉持家教子成名多善舉光緒丁戊歲連饑曾發粟賑濟至減家糧以贍族黨庚子荒歉復如之全活甚衆氏身經同

陝縣志

卷十八

四十

光憂患嘗以孝友睦嫻任卹之義垂示胤嗣業雖少須耕讀房雖分須互助歲有災須扶助族黨貧乏者慎勿以薄物細故爲不義行著爲例氏性慈善貌祥和語言誠愜愷惻聲律身度雖至老不失儀容氏壽享期頤光緒三十三年八月卒年九十歲氏有丈夫子二長鳴皋以德行著次兆渭以孝義稱孫男四孫女二嫡長孫永祥以廉讓聞於時曾孫男六曾孫女三其雲初方興未艾氏猶及見其曾孫炳華之入學含飴哺餌鍾愛倍他兒日諭令哦哦誦讀小學孝經於其旁以爲樂且曰汝孤童而習焉長知所事所守云某氏張茅李逢丙之母年八十子年四十九見曾玄四世舉觴祝嘏時冠帶羅列總丩繞膝一時稱盛有五代一堂記同治戊辰冬兀子炳遊張茅適遇之嘉其情之眞遇之奇也因作歌八章代爲之慶其第六章全家樂有曰天天桃兮灼灼華男有室兮女有家張茅邨兮千百戶阿誰曾孫兮爲人父千百戶兮張茅邨阿誰親見兮孫孫孫壽旣多兮男亦多一輩一輩兮毓太和可以見其大凡云

